



春融堂集

和16
890
6



春融堂集卷十六

青浦 王 昶 德甫

杏花春雨書齋集

二 己亥 戊戌

扈從

扈從猶前度經行異昔年

慈微長自在

永慕意

彌虔縞素遙空雪蒼涼欲暮天道旁嗚咽水凝聽尚淒然

秋瀾早起

占候春回晚清寒尚不勝秋瀾昨夜宿野火對殘燈塵壓宵前雪風凝月下冰莫愁裘袴薄初日漸東昇

朱竹君翁振三暨孔農部體生

繼涵 編修 眾仲 廣森

家虞部懷祖

念孫

小集陶然亭

荒灣斷阜廠亭前上日初過被禊天自有文章歸我輩莫教



風雅讓先賢，揭來袞屐人。千里時北雍試者二十餘人却喜琴樽月一
弦，好約時時為此會。潞河聞到酒如泉。

送張總憲墨莊先生若淮予告南歸三十六韻

杏花已坼桃花紅，潞河官舫張颿蓬。都門祖道車百輛，羽儀
爭羨南飛鴻。惟公壯年始通籍，公才公望人所崇。聲華夙推
丹穴鳳，名節共避青絲驄。香廚四部悉綜錄，龍轡萬卷蟠心
胷。端如師丹在漢室，為國黃耆時儒宗。年逾七十頗未老，
意氣直上森長虹。隔冬偶爾困腰脚，玉階趨走難為工。引年
致仕稽昔典，抗疏遂達明光宮。聖朝優老重雅尚，
俞旨特許歸江東。迴翔非無北闕戀，游戲擬繼東方蹤。前
袞節過春水碧，便拂塵袂辭羣公。我思古人習嘉遯，鐘鳴漏
盡羞忽忽。皋夔已足贊，邳治高蹈不惜師。臺佟里名集賢花

木宮坊記履道琴尊同，峒川鑑湖亦幽絕。海寓延望俾方蓬，
今公蕭然僅壁立。樓臺無地開林叢，千金裝本遜陸賈一區
宅。未如揚雄春秋佳日撰杖屨，曷以寫興娛。幽悰惟聞龍眠
好山色，彎環眉翠摩高穹。朝霏夕霧互窈窕，汀花浦樹含豐
茸。賜金園子矧猶昔，勝踐是處堪扶筇。別來益嘉清景麗，
到日未值炎光融。身居伯時圖畫裏，煙雲供養無時窮。懸知
怡神並繕性，會見兒齒方雙瞳。自憐蘭臺日走馬，應官聽鼓
連春冬。璇源之館垂雲泚，雖有夢寐無由通。歲星可望不可
即，安得接席問春容。忽憶吾友乞身去，謂姚郎中姬傳讀書學道兼
畊農。聞公歸來喜折屐，村南村北時過從。昇輿應預弟子列，
結鞵定似剪賢風。洛中儻有唱和作，尺素好付郵書筒。

題注孝廉劍鐔端光禪雨山房詩詞後

迎鑾鎮外水雲賒曾記清游繫短槎今日讀君腸斷句分明
江左最清華

舊向煙波試釣輪吳閶明月廣陵春卷中詩句清於雪肯與
溫岐作替人

小令長牋不自持戲圍紅袖寫烏絲好將白石新填譜重按
江湖絕妙詞

送吳少宰樹屏

予告南還并呈余司寇

緩上籃輿出鳳城都門祖帳羨恩榮望中煙水還山路

夢裏觚棱戀關情竹箭流平舟子慶棟花雨過候人迎

淮黃保障功猶在遙指金堤一綫橫

共辭丹禁共歸田二老風流邁昔賢

清隱閣流觴重邀永和年

圭宿病繡鑑曲香山多故事任人圖畫等神仙

凡仙山水圖為曹慕堂題

河山大地原虛幻妙明心境從空現何煩遊戲借扶鸞灑墨
金壺示奇翫今看是畫獨超然染碧援藍溢東絹桃華漠漠
映桑榆竹箭叢叢雜葭蘼石澗微緣古逕斜柴門下瞰清溪
漫溪回逕轉架橫橋暖翠浮嵐紛撲面扶杖人將適莽蒼抱
琴童亦能蕭散六柱舟循遠步移三家村向寒墟斷何方有
此好江山不慕蓬萊隔霄漢入世因緣詎易推多生結習知
猶眷聞說高齋晝閉時焚香乞畫陳青案須臾信手寫煙霞
數尺剡藤分峭蒨紫府丹臺不署名洞天福地良堪羨豈須
宗派問誰家自識仙真定名彥絕境難教子驥尋俗書應被
彌明謾君今雅尚乞刀圭

知藝叩根源為遡風輪持震旦

題局分司雪舫宣猷遺照

遠山萬千疊近山一兩峯蒼雲古木杳無數環以湖激波沖
澗世間俗塵飛不到於此乃築幽人宮幽人宮秀而野翠石
隱雲欄香茅接檐瓦錦暉銅匱位置工龍賓鳳味安排雅呼
僮拂几開牙籤似欲掃禿霜毫尖詩情已得勝地助豪興更
藉藏鈎添香象渡河翅擘海想見揮毫九州隘槎枒肺腑不
須鑄雲夢胸中何芥蒂我昔逢君廣陵驛雪片如雅打窗格
畱犁風動酒瀾生醉後長歌頻拓戟嗚呼騎鯨化鶴空干齡
圖中彷彿存儀型誰知此日頭顛白猶復看君鬢髮青迴思
昔過瀟湘渚斷鴻哀狹啼吟苦幽篁懽械女蘿深毋乃圖中
卜居所君長題殘清淚挹連絲湖海蒼茫又一時空慙宿草

延陵劔擬作空山有道碑

送羅孝廉臺山

有方欲作君墓表歸江西

禁城差喜炎氛過又聽有方欲作君墓表歸江西
槐街泥沒髀來牛去馬總艱辛君也奚為理鈴馱君言三度
走春明暴鯁點額頻摧挫分同鷓退憤隨風身以蟻行還繞
磨稱名雖未比聳牙賦性偏常嫌堀堦夙生況復愛柴月
花貝葉巖清課亟思淨侶共茶瓜不惜貧居飽糠莖祗憐京
雒故人多說有譚空資切磋古寺鐘餘叉手行余常飯臺山於法源律寺
蕭齋酒罷聯牀臥此行摻袂復何時未免相思費勞瘁嗟君
素尚本蕭閒莫向長塗憾坎坷晨攜藤笈上征輪晚疊生衣
埽煙銼卽看放溜下清淮恰值秋光滿津邏處處濃香糝桂
枝家家晚飯炊香糯女墳湖與武林山山翠湖波淨難唾早

暮恆依般若參煙雲好伴維摩坐況有金閫物外交謂彭子允初紹

升汪子寒山拾得相唵和安心不復叩云何舉掌知能窮這

箇三觀去真修到滅空十元妙義從翻破回頭一切本狂華

泡影寧容供顛簸學道知君願已成休官愧我心猶懦瘦馬

騰驥自不勝春蠶裏縛誰能柰履道逍遙讓白公出關羈旅

懷周賀三义河畔想經行爲我和南禮蓮座謂照月禪師乞師方

便作鉗錐一洗從前詩酒沈

餞門人楊蓉裳芳燦赴蘭州六十韻

古郡緣邊路初秋餞別筵情依燕市筑興協祖生鞭柳識將

攀苦桐因遇閩偏時閩蕭蕭沙苑馬嘒嘒驛亭蟬小促良宵

飲聊紓別緒牽湘醪浮大斗湖芡佐加籩鄉味披魚膾雄譚

削巍肩蒼茫開遠思悵悵觸前緣憶昔巴山雨回聽蜀國絃

饒歌朱鷺競愷樂白狼闖德行推荀淑經師禮服虔子自金

始識笠湖先生拊心嗟薄宦屈指數諸賢羣從聲名盛同時

譽望傳珍材森巨嶽壁宿合高躔文采千重錦詞華十樣牋

謂方叔承叔驚人咸踔厲念子更清妍警咳珠成唾雕鏤玉

作編識麟由綺歲吐鳳在韶年豹鼠搜奇僻蟲魚任貫穿早

誇延壽賦嬾學子雲元已覺蜚聲遠仍憂涉世遘空居多佗

際作客費盤旋殘雪西冷權晴霞北固船風雲供誅蕩山水

謝拘攣逸興千夫上高懷百代前琴尊來雜還縞紵獻填駢

袁虎招邀數明子才嚴維歎賞便東有香囊逢謝傳謝少宗伯

明經絲竹感彭宣君爲雲楣少豈謂三霄迴行將六翮騫陸

機初入洛樂毅遂游燕榻署陳蕃客舟推郭泰仙凌雲須奏

伎畫日待持權方羨江湖侶應陪省閣員何當宜望縣矧乃

注窮埏秦雍黃河界甘涼黑水孺星文兼井鬼戎索牛岐岍
扼塞西陲廣安屯北部聯風沙恆匝地野燒忽連天遠畧追
蒙遜雄圖壯赫連瓜沙餘種落隴坂重關鍵古埃荒原樹遺
墟版屋煙郵程經太華亭障逼居延地亢稀甘澍年饑剩石
田九重方軫恤兩稅擬齊蠲種稔經秋熟瘡痕計日痊
土毛回瘠鹵官舍省緡錢駐憶三都谷鳴琴五眼泉茲行堪
嘯傲且莫塵幽悵自分同蒲柳寧期接蕙荃三辭勞上謁一
飯愧居先宋玉風華首侯芭學術專佇看騰仕版不埃卜靈
筭世德高瑩鳥前微講席鱸風騷存我輩衣鉢賴真詮藝苑
勾中正才人員半千代興知有藉高蹈幸無愆碧漢秋期近
金鷗暑氣捐分襟還彳亍贈策倍勤拳腸甚如輪轉膏母向
火煎後時愁最劇遙指兔華圓

時以十
五日行

過海南院

名藍隔御溝半露幡竿尾垂垂樹影中忽見雙扉啟殘僧如
村農樸質亦可喜茶杯既冷澹香煙亦迤邐導我望賜臺云
在秋雲裏不惜馬蹏遙清游從此始

太子堡道中作

四山抱村塢秋盡剩微燠夾道列垂楊霜輕葉尚綠此間多
水田縱橫等棊局虛牖挂鋤犁廣場走碌碡何殊大江南數
鍾號衍沃
三輔先曠乾黍苗失所養旬間連夜雨霑潤徧高壤麥芽爭
迸土青蔥已有象果園亦齊收疎林愈蕭爽驟馬偃平泉雞
豚散林莽婦女更熙熙攔街指過鞅

黑龍潭

神漢貫巖脈出土如噴珠潦清纔數尺曷以神此都斜北俯
坎窞瘳沸長傾輸森寒豎毛髮似有陰氣噓幽燕地高亢日
夕風沙麤每違四五月未見甘霖敷麥焦菽豆槁豈免勞呼
零我 皇恆祭告 萬乘移旛羣公亦齋被劔佩交通
衢青詞布誠懇上達虛皇居雨工驟鞭起電母偕雷車金鱗
挾煙霧坐見千村濡雨餘復報貺香帛懸神廚是以畿輔地
終得成膏腴今我來九月水涸初歸墟玉沙粲可數苻藻紛
根株上有萬年藤絡架相盤紆疑疑出角爪且復雄牙須旁
有數折水遶澗鳴笙竽老樹礙肩脊落葉飄襟裾層堦五十
級玉殿開方疏昂俄秉圭璧民命司其樞碑亭供左右

列聖垂神謨

兩朝著靈應封號良非誣稍南炳

宸藻星日纏樂爐其陰勒

睿詠雲漢同嗟吁傳之千

萬禩直與思文俱憶歲在申酉三度隨 鑿輿仰見羣小祀
致敬天神如信宜格靈祐澍雨露墳壚前游倏十載日月同
奔駒壇墀儼猶舊埽灑祠官趨回首睇村落高廩依桑榆所
祈入冬後瑞雪盈平蕪早春復降澤不藉焚神符嘉祥協十
五永使 皇情愉

遊大覺寺及諸蘭若

日見西山面不作西山游山神應見哂病俗難爲瘳我聞翠
微路煙景堪窮搜精藍七十二各各名林邱遠行旣未果近
踐良可求一笑靈泉寺紅葉盈雙眸

林稀路漸高岩堯聳白塔復聞星星鐘偶與秋風答策馬更
西行乍見禪扉闔鄰僧導我前逢迎得老衲忻然叩姓名揖
讓等朋盍逶迤度橫橋殘荷已蕭颯呼童進杯茗坐我東齋

榻

寒曦上鐘樓映以楓葉赤幸逢時未晚尚可恣游歷開軒竹
萬竿一一拂巾幘舊榦霜欲枯新叢泥尚圻其旁桃杏枝橫
斜埽窗格僧人指示我惜不來寒食繞欄玉盤盃殷紅照瑤
席

微行繞畫廊丁東奏方響過牆見清池其寬僅尋丈絕底寫
空明纍纍珠上龍脣亦噴瀉冬夏無消長分流入寒磯彎
環潤幽壤池中金色魚百十自溶漾

茲區實古刹剏造由遼年暨乎明昌世八院尤爭傳厥初號
清水繼迺名靈泉緬惟南陽裔永結檀施緣彈指現樓閣百
萬捐金錢珠宮移海藏四部函人天上祝 無量壽次以
祈洪延併及南北院願力浩無邊吁嗟那羅窟誰考瑤華鑄

披榛拭古碣稍補青鞵編

名山近玉泉神皋勝所聚石景既透迤畫眉亦蟠互蒼蒼鷓
鷓谷夙昔駐 鑿輅至今雲構開宛似含香署禁扁炫彤霞
楹聯綴珠露陂陀勒 奎章高下傍嘉樹豈惟詞客拜定
使山靈護禪僧望 幸心頻年候三素

西巖隱殘晷東院懸明燈法鼓振靈響魚版聲頻仍香蔬晚
飯罷緩卸雙行脰心清本無寐了了涵寒冰道人埽土銜亦
復鋪綿繒山空聞見寂宵靜心神凝惟有幽磻水繞檻鳴琮
琤

日出露未晞秋林益妍好昨晚所經行朝來肆搜討寒禽亦
驚起對我話幽抱惜我世緣深緇塵未能埽明春定重游枯
筇拄芳草尚擬其中車歷遍懋題道

陸觀察青來耀刻其尊人虔實先生瓚所臨漢魏隸

書各種見示因題其後

蘭陵弟子李斯荀卿門人藝偏工摹勒更番妙蹟空祇有史晨韓勅

在何繇盡見古人風

石經殘燬六書亡隸法孤離逮魏唐劉升史惟已工韓擇木蔡

鄰有出可將金薤比琳瑯

北宋而還篆隸淪衡山百穀貌相因奉常獨起追千古朱坨竹

鄭汝器仍當步後塵

一官顛顛近邊城古帖臨摹百幅盈若使同時論筆力小蓬

萊館共崢嶸謂黃松石樹穀

暮夜何由動素衿收藏先澤似球琳官齋暇日臨池罷更勒

貞珉播藝林

漢隸藏來興未闌還將唐宋比琅玕如今更得中郎似閉閣
從容盡日看

奉 命總修一統志

一統規模邁漢唐屢經編輯更求詳百年久頌 聲靈大四

海重瞻 控馭長地步大章通北極經從伯翳巨南荒自慚

徼外身曾到筆力何由富括囊山谷詩有晁子智囊可以括四海句

冬日郊外

扶上肩輿夢未闌水關流響尚淙潺山腰欲散雲千疊屋角

猶堆雪一彎秋穫有餘烏鳥樂耕農無事馬牛閑畿東米價

經時減報社吹幽各破顏

泰東陵扈從

白柰花殘歲兩更大祥

聖孝倍關情上

陵未到

清明節先肅期門謁

寶城

孝思維則動頑愚回首江鄉淚眼枯
尅日陳情行就道春風一騎下南吳

歸葬出都作

故園回首望松楸抗疏陳情願已酬
先具帆檣繇潞水太夫人從南行
更裝袴褶度蘆溝兼程自覺馳驅便
慢葬難禁涕泗流最幸禮成

升祔後

恩綸重錄告山邱

趙北口

趁早先鴉起循堤跋馬過騾綱煙外遠
漁唱淀中多飄渺聯三輔微茫近九河
垂楊垂柳岸攀折歎婆婆

東方朔祠

休道詼諧著漢庭懸珠編貝見儀形
人間何處窺王母天上

誰知隱歲星宣室宴遊雖已罷上林苑
園竟難停夏侯像讚山陰筆更有平原
作典東方朔像讚本王右軍書顏魯公又書大字型

東平雨後望蠶尾山

夙聞小洞庭迤邐蠶尾山煙雲互綿渺
水月資蕭閑是以新城翁相賞生幽歎
今我適經此夜雨曉漸闌湖天倍瀟照
何異蓬瀛間地豈異今昔人疇能往還
獨羨五太守樽酒臨潺湲千秋擅風雅
高致殊難攀征途桑柘裏濃綠生微寒
解鞍坐遙睇良足開塵顏森森左神洞
沄沄銷夏灣我鄉絕勝地鼓櫂行盤桓

東阿

試問魚山路何如洛水濱凌波時見影
微步豈生塵籟響神絃應雲開翠黛真
賦才饒八斗含怨與誰陳

至沂水梁莊驛

沂水望沂山青蒼亘百里參差海岱間靈秀固莫比高非葛嶧同長與徂徠似周禮表青州作鎮良有以想當薦馨香煙嵐共渺瀰惜少尋幽人緣谿展屐齒經過迨夏初綠陰猶可喜山下紅花溝遠匯芙蓉水肩構屋數椽明窗布棊几日長清景多妙境誰能理蒙陰況未遙或夢南華子

卽事

雲霽風輕放畫橈望亭許墅路非遙廿年不作鄉關夢喜聽吳淞上晚潮

到家

一別家鄉廿載餘恆春橋下認幽居推窗更望諸峯在謂橫雲天馬神還似當時對讀書

經營工築用無多茶竈繩牀足嘯歌更喜小池桑柳外濃陰添得竹千窠

舊家宅第徧吳趨相勸遷喬卜一區敢擬廬陵歸老去雲山愛住潁西湖

西秧田名湖北水云云六里湖波兩縣分正是雜花生樹日一時葭莢綠如雲雪葭丙舍係崑山縣境

團蒲小小敞虛楞守望新阡自可憑但使晨鐘兼暮鼓不妨竟置啞羊僧

朱節婦詩

葉裕昔著震川詞厥母斃獨棲心脾今觀朱母吁更悲年二十六分衿襦春華驟賈秋霜施無夫無子誰因依七日不食將相隨絕命有作陳哀銘書指血紛淋漓姑舅慰撫聲酸

嘶吾老何恃何弗思矧子可嗚呼棄基汝宜忍死還舖糜母
拜受訓垂漣而逾年狸首豈予於葬在北望汗之陞未幾舅
也頽崦崦附身附柳靡不年一紀葭枝萎致哀盡禮人
嗟咨勞勞井白手足羸瘠搢紡心神疲歲復大禋虛晨炊
不惜雷轉空腸飢子漸毀齒能嚙咿爰命就傳通書詩寒燈
破案夜誨之卒明義理承弓箕今邁六十推女師永貞苦節
甘如飴烏頭綽楔匪所希區明風烈乃事宜行將上請籲有
司先屬彤管揚幽微吾兄巨筆摩天麾謂鳳文與熙甫同驅
馳洞庭東西峯屢屨三萬餘頃堆琉璃嫩行先後稱貞婺我
亦作此攄芳規庶以下激氓蚩蚩

蔡孺人詩四十韻

羅少卿徵五典作傳

慎齋與我稱石交阜比講易芟榛茅少卿工易常與余及經少司空鄂君所聚講

伉可信誰敢談何況苦節傳娥媼孺人族望出蔡郊婉婉至
性鍾垂髻大父父愛不待教利貞柔順占坤爻嬪于東海鸞
同巢戒旦其警雞嗜膠藁砧逃出經湖灤蚺蠍網室窗蠨蛸
門戶瑣屑田肥磽倉困錢幣迴不殺淳母親沃兼輝庖內政
穆肅除號呶姑也相視憐其佼汝勿勞勤思兼操亡何姑病
疲脛骸輾轉牀蓐紆煩恹時呻以吟頻抑搔便溺不惜手自
包上醫何處求申庶王母忽逝乘雲旂血淚永夜霑堂坳緒
紛鼎敦黍稷笱附身附柳孰訾警此身幾等枵然匏瘍疾復
作不可謙俯視子女悲同胞屬以顧復無鞭敲奄謝正似夢
幻泡會史之行由妍姣不勝喪死詎可嘲蓬萊一去山崿嶮
空留懿行人傳鈔少卿文字非噴噤瀟湘路阻騰魚蛟德音
我亦揚孔昭後志列女期毋渝

題徐氏萬一公像

名某其六世祖名揆殉靖康之難見宋史忠義傳

毛駝岡上烽連天南薰門外駕未旋開封進士頸濺血至今
廟食歆明禋忠義之後澤累世東園繼起當其傳居吳山水
占名勝卜地堂構堪承先圖成橫卷示來裔深衣大帶昭安
便孝友睦姻淳厚德詩書禮樂仍前賢何時什襲忽遠適巾
冠屨在壙文孫載歸喜無恙拂拭不啻瞻星躔魯人大
返故國王氏舊業遺寒氈梅鮑益覺意匠古丹青未損
神全屬我題句志其事展卷肅擗心悄悄昭陵圖像剩
麟閣冠劍空連翩愷之落筆寫宣武摩詰妙意規浩然
授經已愔悅熙載夜宴徒嬾娟何如茲圖十餘世猶見
留承顙洞庭震澤波淪漣左神幽虛棲真仙清門喬水逾葱
鬱遶砌玉樹紛芳妍東堂西序啟寢祏春祠秋禴嚴牢牲薦

馨鼎肅考制作稽古禪碣工雕鐫雲初舒鴈共行列坎坎伐
鼓鳴神絃道德之容山澤氣式臨其上生恭虔回思宣教更
奇偉精爽未泯風雷懸忠魂磅礴蔭奕葉信史感激垂千年
士食舊德農服田仰事宗祖期無愆

壽夏秀才承天表兄

雲龍 六十

流光過隙同奔駒舊游漸見霜生鬚波斯照影古所歎況我
萬里隨戈及參辰相望久離別所喜交誼無差殊憶昔與君
共讀書中表兼幸依葭葦君時弱冠我總角有若朝旭明矣
藁小園花木秀不枯兩株松桂森堂隅淞南夫子稱大儒褒
衣博帶譚黃虞惟君暨我規步趨夜窗細雨青燈孤論文考
義分錙銖出入亦等蚤駟驢人生飛伏那可圖花落裯席隨
風區君為諸生棲衡廬我偶通籍行亨衢金闈待漏聽鈴索

瑣院校士研丹朱尋從上將西南趨直入驃國窮彭盧斗牛
南盡開壁壘峩岷西越通儲胥款段之馬下澤車回憶故侶
頻嗟吁兵銷奏凱歸京都陳情并得南還吳牛眠馬鬣方勤
劬未獲一見心煩紆聞君今年屆六十腰脚不俟筇杖扶老
妻稚子鹽米共幽花疎竹琴樽俱庚桑畏壘言豈誣羨君洵
是山澤癯惜我忽遽將首途臨秋未遂謀尊鱸安得知止追
迂逋方今六月暑欲徂相期致語依桑弧缸面酒熟傾雲腴
叢談脞說毋挪揄絕勝鼓瑟吹笙竽

葬畢卽營生壙口占

卜築龍岡意尚賒便封馬鬣對雲沙終依祖父差堪慰儉示
兒孫不用奢兩岸蒲蓮臨浦激幾重松竹護籬笆宅幽勢阻
人誰到休望他時有過車

蒲褐山房夜坐

銀河絡角不勝涼俯仰前塵黯自傷疏柳迴風驚宿鳥芳叢
浥露泣寒蠶梧桐頻落蕭蕭葉荷芰猶聞冉冉香却計生平
殊未定與誰絮語論行藏

泊閔行鎮

圓柳東來一道行新涼景物倍淒清江聲曉落春申浦海色
高懸滬瀆城紫蟹紅鱸紛市集青楓黃葉映柴荆閒身欲覓
漁樵侶欵乃煙甲樂此生

上海晤陸長卿凌祖錫喬樸園

鍾沂

樸園畱飲有作

前因昨夢不勝思攜棹東來訪故知池倒南宮三品石
尚屬文裕公舊宅池中架陳北郭七賢詩謂吳中七所居太湖石百餘猶故物也落筠廊斷婣雅堂空
沈香院蘇徑欲猶有睢陽豪興在感懷相勸覆

深卮

桐鄉

兩山晴翠小如螺
雞犬人家一棹過
欲訪清江居士宅
丹楓黃葉白雲多

秋日過淨慈寺佛裔上人出恆公小影索題感贈四

絕

白蘋花老水云云
重訪名藍憶故羣
猶是湖南清勝地
數聲鐘梵出秋雲

接蹟前賢了不疑
惠崇小筆瘦權詩
恆公吟賤畫卷兼瓶盃

合付西堂作總持
上人恆公弟子

方袍筇杖各風流
二老清宵共放舟
塔影湖光涼月底
廿年

如夢話前遊
乾隆丁丑九月余過南屏恆公招讓山長老杭堇浦太史茶話至漏下二十刻湖心月露浩然

乃呼小艇送余回寓迄今已二十二年矣

瘦骨條衣尚儼然
湖山笠屐是因緣
影堂月落明燈暗
祇擬長參不語禪

雲棲寺宿

湖山自東來錢江乃西繞
蒼蒼五雲山梵刹最荒渺
大師繼棲真濃陰愛翠篠
禪室樸不華清規久能紹
攝止閭浮提共率西方道
往生本多門大愿力所造
昏黃宿空齋菽乳快一飽
偶聞放生鹿絡繹出林表

題奚鐵生岡贈富春長卷

奚生性聲牙刻意在不屑
窮巷背城居衡門少車轍
青衿已久謝翰墨肆怡悅
師法在宋元半是大癡出
常拒兼金貽晨炊耐冰雪
聞我來西泠造門效磬折
摻手相眉稜洵與塵凡

別更眠富春圖雲山互明滅石澗杳無人松楓露僧剎精舍
八九椽依稀蕙帳設深知招隱心感歎豈容說塵緣尚未終
明將返京闕移挂蒲褐齋臥遊契寥泚宛如見清標且以
慰此別

過吳門晤企晉

一年兩度過吳門舊雨來招共酒樽詩友久亡誰執手適座

崑南先後下世詩伶相見亦銷魂舊日周圖書已逐煙雲散亭榭俱

荒水竹存木瀆遂初我亦風塵憔悴久何年吟嘯樂晨昏

晤彭進士允初

雪嶺炎洲滯極邊重逢標格更翛然清修將證三摩地歷劫
能超六欲天翰墨久成居士集香燈常禮往生編自惟積習
塵勞在擬話抽簪未有緣

贈陸貫夫紹曾江鯨濤聲兩布衣

高齋紅豆久飄零長有畸人見典型版愛麻沙求異本貫夫

刻書鈔本亦富草生書帶守遺經鯨濤專守鄭學筆瓢屢空身猶樂翰墨長

留德自馨藝苑不憂知遇少徵車應向里門停

顧觀察晴沙光旭及同年周際清楊上舍永叔

播和叔掄遊惠山入聽松庵觀王孟端畫卷小飲寄

暢園時晴沙將製竹爐相贈

曲徑迴廊樹影重坐看嵐翠隱諸峯羣攜玉乳來煎茗正值
金飈好聽松畫卷宛親前哲在酒杯幸有故人供竹爐佳品
憑君贈須趁吳船寄五茸

北固山舟次與子才話別

樽酒前宵接後塵前夜在蘭陵蔣蓉征途重喜並征輪江聲

山色清秋裏如此真堪著兩人

往歲曾聞得袞師海中仙果果生遲芭蕉牋與辛夷筆不覺

青燈照鬢絲

少時詞賦動 金鑿湖海才華老未刊洵是名山千古事莫

教畱與等閑看時示小倉山房集

桂枝風調冠南吳一縷清歌一串珠并作老夫情緒惡江雲

黯淡雨模餽時子才小史杜郎隔船度曲

瑯琊臨汝舊知名一別秦淮白髮生可惜江山如夢裏孤舟

剪燭話離情

戲贈袁子才

小小聲華遍瀾西石城端合鳳鸞棲窺窗曼倩工調笑酒

淳于善滑稽花月隨時誇寫韻湖山到處愛畱題後堂絲竹

誰人其羨煞門生玉筍齊

題藥根上人繖山松隱圖

徂徠之柏新甫松史克所咏材質工未免斧斤加磨礪何如

此松繖山側孤標未受秦人職至今鐵幹森千尺君攜童子

來遨遊櫻鞵箬笠癩而修不藉筇杖登林邱愛松之姿得松

性飛騰腰脚能乘興至今六十神猶勝惜君雙耳已稍聾不

如貞白聽松風第視翠色撐鴻濛卷中諸老多已矣祝君長

與松相似歲歲來看落松子

張布衣玉川浴畫子穎詩意冊索題

萬山青到馬蹄前此景分明似劔川可惜不曾摹雪嶺層層

玉筍接雲天

危崖一逕飛泉挂絕磴千盤古戍低似我昔年經過處數椽

荒驛亂雲西

鎗聲如雨礮如雷曾共沙場督戰回今日竹西風雨夕不堪

讀畫更銜杯

飛鳥與人爭道路啼猿知我助悲涼子穎句為時所傳何當畫盡驚

人句始信書生眼界長

汪明經客夫中同諸子平山堂餞飲

平山闌檻又登臨北府軍廚酒共斟已有紛綸經義富心愁

荏苒歲華侵周官注在推同志凌長文淳見苦心寶應劉孝廉端臨台

拱通周禮高郵家懷祖念孫通說文廣雅皆容夫同學相與劇切者也更喜雲梯先得路竹西

亭外報泥金時江秋史鄉試中式報捷適至

黃石公廟

去無端倪變化輒與仙靈期穀城已傳黃石塚圮上

千古留荒祠老翁鬢髯儼道氣年少傍侍餘容姿行人香火

設杯琰巫史報賽陳牲犧當時相韓已七世大讐未報來東

陲見倉海君得力士博浪夜擊千鈞椎副車後乘即誤中異

事已使羣驚胎天造草昧本不測祖龍就死傳危辭白蛇當

道帝子斷髮婦已泣聲嘸咿篝火鳴狐夜不息此椎一出風

雷隨十日大索更不獲妄男子應神魂離沙邱歸路鮑魚亂

軛道果見降王馳乃知肇謀有深意陰符早已通先機自後

儲位漸艱孰首招四皓來娛嬉商於笠澤倏來往角里綺季

誰能知陽施陰設大事定素書兵法生恢奇後來供奉亦個

黨深歎智勇留雄詞授書納履遺蹟渺惟有蝮螫橫河麋裘

裒日暮扉欲闔怒飈恍惚迴靈旗

渡河

通會旋流合長淮水勢齊黃河同入海浩蕩下雲梯沙積常
沈鐵工虛久廢堤尾閭憂不細昏墊塵羣黎

儀封

時決口未塞

城郭餘三版村墟失萬家魚龍排逆浪鴻鴈聚平沙秭程重
山積鋤鋤永夜譁廿年遺誤處當事有誰嗟

過延津

延廩西來又一程清流如篔細紋深秋霜未下寒風定恰稱
三篙一棹行
白雲遙望路透池紫翠盤空見具茨自是仙靈來往地青楓
紅葉遠參差

汲縣

月霽煙霏斂名山見太行嵩恆分兩界趙魏劃中央巒嶂爭

層疊村墟望渺茫微聞沁水漲秋稼已全荒

涿州旅舍

小雪初寒十月中敝裘零落怯西風半瓶濁酒何能解差喜
泥爐榻榻紅
短牆日影已無餘拂拭塵沙滿褐裾多少故人相問訊呼童
難燭讀來書

題陸同年莆塘

停舟

水邊林下圖三十六韻

秋林晚櫛慘秋水遠浩淼紛紛雪葦飄漠漠溪雲繞此中信
幽寒未許纖塵擾彷彿細林山其下瞰三泖天迴客帆稀湖
深漁蕪少清蒼祇一氣取勢極微秒君家本清門名德昔所
紹書畫聯弟兄詞章沂祖考人皆推國琛文悉擬鴻寶君更
少而才落筆散華藻一朝寄銅符崎嶇涉聞表耆老頌鳴琴

兒童競驟篠雖知惠成了不可勝投効忽歸來循陔拾
蘭草不嫌致身遲三不可勝三驗春秋畊漁雜昏曉圖
史堪自娛餽粥差已不可勝三頭學巢父掉偶爾坐雲
根翛然望縹緲風神整六且瞭呼童移石鼎啜茗
伴幽討吁嗟九峯間三竹樹遠蒙茸樓臺深窈窕
陳仲諸一相間出世譽等商今盡荒蕪往蹟付鴻爪豈
意百年餘復見倭人僚我嘗過高齋村墟互迴抱柔波綠有
痕鼻嶂青未了風景似斯圖尚儘怡老塵緣媿我在再定
安道天民感皇遠釋氏歎熱宮衙展橫幅詎異望瓊島
生平同年友雅契等管鮑何山從君游飛空躡雲躡題下路
三千聊用寄悽情擬向長卷中倩此隨陽圖中飛雁
最多故

題查梅壑

士標畫冊十絕

茅屋三間迴絕塵隔橋樊圃翠筠新高人雲山伴不以
扁舟更問津

地僻稀人到緣溪選石便雲山無盡藏獨坐儘流連

森森潮生浦迢迢月照船依稀三四客相約訪名禪

巒翠層層望不分松梢一半掩斜曛華陽會散瑤壇靜隱約

鐘樓住白雲

雲聚南橋路空江水接天坐看楊柳外撐出采蓮船

畫到無痕處遙山約暉齊空亭到一半與雲棲

秋山蒼翠亂雲連筆刀分明是桐帽棕鞵知訪道緣何

不畫屋三椽

扁舟邀客趁初暄兩岸細桃水訪藍橋仙子宅休教

認作武陵源

曲磴橫橋對碧岑何人攜杖步遊尋
一層樓閣松風裏望岵
應知己息心

稍遠南宗派猶留北苑風舊題詩十絕筆法亦思翁

題惲南田山水小幀

丁年邁滄桑託業寓遊藝共推渲染工豈識雲山意此圖信
手成殘臘寒方厲呵凍寫煙巒村墟遠池邈山僧少經行山
家門亦閉蕭條松檜中深得清幽味自題仿一峯實亦擬清
閎應知翰墨超總屬風標異名高六逸詩學兼三絕詣讀畫
有微言悠然發遐契

後有書論
畫一則

題元劉貫道畫蘭亭圖

生綃六尺麤而堅粉墨稍脫精神全此事閱時世五十此圖
五百有餘年蘭亭修禊本盛事右軍妙蹟尤通元采蘭贈芍

自周鄭士女遊賞相喧闐山陰況是絕勝地正當風日暄和
天崇山峻嶺合蒼翠茂林脩竹皆嫵媚一朝名士盡簪盞清
流曲曲迴航船或於溪澗玩芳草或望樹杪懸飛泉或倚高
柯愛蒙密或喜濯足浮清漣或行或止意境別一一蕭散人
中仙一人胡牀獨踞坐掉頭跛脚接羅偏鼠鬚繭紙信落墨
忘言忘象揮雲煙我思嘉會豈易得鳴詠良足超管仲
生死乃悲悼當日三歎情悃悃是日與午方有遷
纏戈鋌綢繆陰雨恐不及深源乃欲移戎旃
甚睥睨天塹謀投鞭爾時車師若北
辭苦語終未省國勢阨臨冰淵生
笑姑流連此文旣工書獨絕辨才
球玉歐褚摹寫紛雕鐫後來

是圖布置更變化中山筆意心跡筌四十二人森欲動意臣
伯駒追龍眠摩挲三復念時事始識寓意深憂煎當年
已歸隱方擬江海資洄沿情殷國是乃如此尚論誰傳
先乃知士人風義重憂國不爾此卷曷以秋傳

春融堂集卷十六終

春融堂集卷十七

青浦 王 飛 德甫

杏花春雨書齋集

三 庚子

元日朝賀侍班

宮燭輝煌下九霄侍臣先奉

紫宸朝

內閣大學士都御史及翰林講官在殿

上侍班故先在中和殿行禮

六花瑞雪明鼇禁五夜春風協鳳韶

玉陛

平看

仙仗肅

凡儀仗班行不整者御史舉劾

金爐近接

御香飄綠知喜

氣先吳會已見蒼龍映斗杓

即日南巡

初四日同鄉小集

新蟾已過月初三把酒高齋秉燭談雪霽春廚聞剪韭香生

客坐笑傳柑傲裝更慰鄉心切

時太夫人尚在家

簪筆先書

聖

澤覃料得諸君皆羨我淮南行盡又淞南

時將隨蹕

祈穀齋宿都察院

洪鈞轉嚴凝元化孕亭毒風和暖律回雪霽春膏足祈年重

天宗告備春卿肅 皇心厯屢豐祇敬情彌篤 九重宣

室居百爾官廬宿敬答蒼帝恩用啓芸生福蘭臺本森嚴致

齋愈清穆烟開月似弦雪靜天如沐迢遞聆禁鐘輝煌伴椽

燭行將履青壇儼立侍 黃幄整衣命僕夫殷勤候紅旭前

一日 官在門外排班侍立

扈 蹕南巡起行作

最幸東南澤國民敬承四次奉 時巡朝來又見 鑾輿駕

路上人看 鳳詔新

獻賦蒙 恩廿載餘凌雲當日擬相如誰知絕徼歸來後仍

命簪毫扈 屬車

九九消寒一半過郵程從此曉風和玉河橋下冰先泮總為

天家雨露多

六街簫鼓鬧新年市上唐花取次妍共喜香風來遠近沈檀

添炷萬家烟

趙北口 行宮 命諸臣觀燈火入宴聯句恭紀

三十四韻

望 幸江南切 鳴鑾趙北行紀年方值子問俗共由庚淑

氣隨 瑯輦條風颺繡旌 黃圖春早到去臘二十九日立春紫陌雪

初晴紅杏苞猶細青楊縷漸生幔城臨水建 帳殿傍雲平

劍佩貔貅衛冠簪鵷鷺盈上元遵舊典後樂合編氓 黼宸

從中設珠鐙次第呈芳筵登折俎雋味發和羹燔炙廚人進

馨香膳宰烹潼漿攜碧椀醞醪泛瑤觥樺燭千條燦蟻珠百

顥瑩玉壺宵竝朗水鑑夜尤清竹馬兒童戲神鼈父老擎銀
花飄婀娜爆竹遞鏗鉤粉堞烟中列朱旗燄裏明枝還開玉
蕊果忽現紅櫻老鶴梳翎展神龍掉尾橫光芒幾欲眩幻巧
詎能名巨礮連環應奔雷遠近驚偃師施妙伎麴部競新聲
裂石仙宮笛停雲佚女箏十番音攔雜六樂響噲吟酒已終
三爵詩還 命九卿劈箋聯寫句選韻 賜同賡自幸叨

榮遇何由竭鄙誠 宸章垂北斗奎藻陋西京鐘鼓宣金
奏璿璣轉玉衡 隆儀傳海岱佳話溢滄瀛示 惠方成禮
修和待 省耕需雲孚叶吉湛露潤同傾 壽愷衢樽慶謳
歌部屋情仰瞻時邁什千載協韶諶

恭和

御製賜隨營衆臣及山東大小吏食得句

元韻

湛露 恩叨此又逢清泉百道樹千重良宵已預觀燈盛禁
地真慚載筆從勝境久推山左最芳筵幸飮 尚方供仙菓
明日添韶麗桃柳芳妍映六龍時正月晦日

恭和

御製賜隨營衆臣及江南大小吏食得句

示志元韻

雨過芳田又報晴 帷宮曲宴傍 鸞旌深叨 恩遇笙簧
樂愈仰 咨諏稼穡情麥映春蕪青剡剡波平河渚綠盈盈
溫綸蠲賞連朝降已喜陽和協大生

恭和

御製渡黃卽事元韻

虔禱駐 鸞旌凝香對綵棚波平桃後汛雨愛午時晴雁戶
欣常集龍宮靜不驚今看嘉績奏往厘 聖心忤豫奠連
淮泗黃安逮運清 封章看送喜作又仰 精誠

至淮安奉 命祭先賢祠

宋政久不綱中原傷板蕩選懦邁孱王謹叟疲奸相畱守請
 還京陳辭最憤壯辛勤收餘黎感慨勗諸將苦憶杜陵詩清
 淚灑甲仗連呼渡河三終焉痛淪喪迄今事已杳讀史輒悲
 愴褒忠逢 聖明覽古卹貞亮尊疊耀崇筵牢醴列黼帳
 登堂宣 綸音拜手獲瞻仰畫圖棟梁懸殊見憂勞狀禮成
 出廟門江濤正鼓盪宗忠簡公澤
 皇威暢埽除 國典重風烈煌煌忠正公受任邁机隄滄桑
 已變遷烽火正纏結一軍劇危疑四鎮互攻訐惟茲憂國心
 銜命仗節鉞似續計已捐寢饋身無節守牧淚滂沱偏裨氣
 嗚咽風雷來北方陪京就傾滅未歸先軫元誰見萑宏血偉
 矣衣冠藏依然松栢列易名 綸紵崇 賜祭牲牲潔笙簫

廊下陳玉帛堂中設身騎箕尾來雲旗耿超忽史忠正公可法

江山連吳楚碧海環其垠扶輿蘊靈異草昧生名臣偉哉文

貞公蔚起矢精純從容玉堂步密勿 講幄勤扈 蹕徽猷

播從征祕畫陳祥刑審古律議禮刈繁文一德資啓沃三台

秉衡鈞 聖心厯往哲遣祭傳 恩綸香升几筵肅日麗

榱桷新仍孫見濟濟俊士來侁侁庶幾綿世澤還以程先民

張文貞公玉書

至蘇州復奉 命祭先賢祠

至德寧終晦高名自古傳荆吳開陋俗文學啓羣賢裸獻循

前典牲牢告吉蠲猶將三讓意垂教託神弦泰伯廟

碩德齊忠憲清風頌伯夷公所書此頌危言邪黨懾偉畧敵

人疑名豈三吳重人將百世師薦馨還肅擗憂樂仰無私范文

正公仲淹

舊俗疲庸相新猷煥鉅儒農桑循樸儉禮義砥頑愚道直危

疑定見堯峯文鈔名高禮數殊雍正初年賜諡文正入祀賢良祠即今蒙特祭

霑灑萬人趨湯文正公斌

南楚聲華早東吳政績長何為逢虺蜴竟欲寘桁楊日近

絲綸轉風清俎豆香况聞垂祀典久已重賢良陳文勤公鵬年公久入京

師賢良祠

貞玉磨難磷寒松久愈堅兩端姦黨計三宥聖恩全按

吏除貪墨興毗造俊賢至今瞻廟貌祝贊倍加虔張清恪公伯行

硯山丙舍即事

茅茨小築硯山邊暖翠柔藍各自然想見當時營構意幾番

相度得牛眠

寺次第開數行松檜映重臺莫嫌村路多幽寂上塚

敢將先澤比瀧岡淚染松楸墓道荒說與山農勤灑掃不

何日再焚黃

蓬萊道院故址在木瀆

南岳曾聞禮玉真香龕猶對牡丹春已收羅郁為高弟更與

方平作主人風颺旌幢來鶴羽雲歸巖麓隱龍鱗左神指點

吳山近閭苑何須問海濱

至杭州復奉命祭先賢祠

唐室方凌替乘輿屢播遷中原誰戡亂內相賴持權河北

烽起山東殺氣纏心紆宗祏計人感詔書宣處處頑凶動

人涕泗漣疆藩謀未息讒口謗爭先激發爭臣論分明實錄

編奸邪雖易滅瘴癘有誰憐避禍難窺面憂時肯息肩懷賢
思再召邁疾竟難痊正直神明在君蒿祀典延千秋餘奏議
仰見日星懸陸宣公贊

五季方雲擾三吳獨晏然惟因一玉帛遂得免戈鋌歌舞安
恬久桑麻樂利便地形江海滙星象斗牛躔富庶傳來禩綏

和憶往年已看王業肇豈有霸圖偏鐵券詞堪讀靈衣彩尚
鮮難扶唐社稷終納宋山川耕鑿羣生樂衣冠後代賢馨香

開廟貌功德奏神絃清獻封章備文忠翰墨綠摩挲還眺望
花柳映湖船錢武肅王鏐

北狩皇輿蹙南遷國勢摧中興資間氣上將出奇才痛飲言
將驗長驅志宵灰兩河還社稷九廟掃烟埃別路橫戈待遺

民送款來功將成百戰詔已出三台弱息投簪井親軍泣背

是青城終忍辱碧血最堪哀鐵券功動著金陀記載該神靈
長震蕩祀典憶昭回香火承朱幄春醪滴翠苔靈旗覬太乙

亦往其風雷岳忠武王飛
難倉皇日人心震盪時苟非扞幹畧何以藉維持憶昔明

葉當年柄下移貂璫權獨擅疆圉事誰支敗績三邊震蒙
萬乘危賴公司武部獨力任軍麾智勇從容見營屯布置

摧鋒兵勢壯乞款敵情疑黃幄應徐返青衣免其嗤氣剛
小嫉功大禍機隨忠憤千秋激馨香奕代思試看金齒戍

百石竝誅夷于忠肅公謙
恭和 御製賜扈蹕諸臣及浙省大小吏三元韻

小重朝宗念時闕海塘上還因補助臨陽和真有腳元化喜同斟
秀春分節雷催夜半霖芳筵歌燕衍冠蓋滿華林

恭和

御製瑪瑙寺元韻

賁地從新闢嘉名溯昔云詎同三竺秀亦荷
六飛勤寺徒
烟出在春深草木欣
知仁山水樂清淨謝繁紛

恭和

御製葛嶺元韻

琳宮紺碧更新之指點仙家示有爲初日高臺開畫嶂清泉
春漲響金絲壽星福地前賢蹟玉簡香燈奕代祠豈復崆峒
道
省方羣頌萬年斯

散直後同梁溪相國劉少宰石菴彭少司空雲枏

吳太常廷韓放舟至三潭印月

長時康事益省午漏聞丁丁隔牆轉槐影退食已
茗筍相邀就湖艇脩脩沙鷺飛策策遊儵靜稍近湖心亭垂
叮取飲命提壺芳肴更修整清言簡而文微風送欵

磬少遞斜陽西弦月上東嶺沿洄過三潭天水望彌永依稀
僧鐘遙杳靄魚火耿湛露散遙空如珠濕萍苻身疑姑射仙
地似蓬萊境一笑山澤癯何絲慕箕頰

同諸公遊白沙泉

倚棹信所如彌眷烟波渺漸看梅檀林遠出青松杪精舍本
莊嚴修廊互窅窳老僧進茗飲色味勝良醪云此是法乳論
品諸山少純粹謝凜冽甘和洗煩惱涓流不在多一縷貫昏
曉持此供法筵頗作香廚保今逢
翠華來林泉豈愛寶玉
芽雨水前先茁藉幽討上方進
御珍不作龍團造其妙逾
幽藝其芬冠香草活火走車聲洵足稱兩好聞言腋生風心
神洞八表自愧本老饕從茲豁醉飽

行至嘉興奉

命讞事青州

按事朝聞使節頽回程已別浙中山青簾白舫催征棹紫繖黃旗憶侍班驛路春深花漠漠江村雨漲水潺潺此行何計紓民隱須與秋卿共詰奸

去秋借子才明府泊舟北固山下令小史桂郎度曲

因作五絕比入都羅布衣兩峯聘余秀才少雲鵬翀

繪圖記之長安傳為佳話今次京口澹雲微雨風景

畧似去年獨與漢宣青燈危坐回憶子才在白下桂

郎在金閫而予先奉命將出山左按察江西曩時

雅興了不可得復作五絕索漢宣屬和兼寄子才不

勝今昔之感云

多景樓前畫舫停空江微雨夜冥冥坐中祇少中郎竝喚取

歌珠剪燭聽

征篷苦憶去年秋楓葉蘆花共晚愁可惜流光一彈指又看

新綠滿芳洲

蒲帆擬汎九江船還指齊州九點烟燕樹吳雲如夢裏空煩

雙鯉寄吟牋

雪泥鴻爪了無痕消受爐香入夜溼烟月揚州誰解得憑君

款語共清尊

澹靄殘霞望不分棟花風定水沄沄也應寫入鵝溪絹畱與

他年作舊聞

三汊河

芳草連漁步輕帆漾客艤斷橋新漲水微雨白蓮花野鳥飛

還浴鳴蟬靜又譁茆茨瓜架外幽絕兩三家

孟城道中

日暮孟湖道迢迢翠竹深潮通三汊水雲作半溪陰呵殿驚
山犬鳴笳起渚禽前邨風又緊雨氣滿烟林

寶應道中

鵲鷓聲聲急蒹葭處處連一燈邨店市雙槳夜漁船雷殷疑
催雨雲深欲合烟清淮徐放溜憑眺最翛然

界首

珠湖三十六處處層層雲鱗鱗沙泊琵琶隔屋聞蠶頭青
嶂遠燕尾碧流分燭下盈樽酒飄零憶鷺羣

清口驛

鏡吹前舟泊郵亭候吏喧風沙開驛路燈火亂津門跋馬河
流漲啼鴉暝色昏明晨辭水宿又欲上征轅

桃源書所見

如砥長堤是客程清和景物劇關情土牛稠疊防秋汛檐燕
參差報午晴風外楊花閒自舞雨餘麥穗暖將成儀封已塞
雲梯順祇聽居人說太平

宿遷關雨泊

分明飄泊似楊花飛遍山崖又水涯卻聽漁歌聲漸遠酒樓
燈火奏琵琶

風吹篷背雨瀟瀟人靜關門夜寂寥炙冷燈殘渾不寐舵牙
微響上春潮

峒嵒道中遇雨

忽送滂沱雨雷聲碾碧空籃輿行不得候館與誰同蘭葉修
修綠榴花故故紅偶攜新雀舌小啜更情融

李家莊早發

日出翠峻嶒遙峯指馬陵綠陰春雨潤紺塢野雲凝地勢通
齊魯山形接費滕隔溪聞布穀二麥已將登

次沂水

沂水沿緣處蘇亭入望長山岡分古道風色接殘陽畧約明
流外邨烟綠樹旁壽春清德在尸祝定難忘

山雨曉淒淒垂楊夾路齊未愁泥滑澁最愛草萋迷柳渚鳧
翁浴茅簷燕子栖沿洄良可樂古義取昌黎

昌黎論語說浴乎沂作沿乎沂

過穆陵關

山迴大峴巨高原齊楚分疆跡尚存今日關墟官舍塌夜來

擊柝與誰論

喜阿侍郎

揚阿

至青州時同讞事

宿雨初收接畫輪東華舊侶更相親心旌懸處辭難定石闕

銜來意未伸慈惠何當酬 吳命誅求豈合累疲民欲知時

勢多盤牙再與羣賢促膝論

刑部郎中覺羅君長林郎君若伊隨至

青州懷古

指點營邱在馬前棟花風起授吟鞭雖無季剪畱遺址猶有
蒲姑見往編地比關中分十二人同稷下聚三千昇平富庶
今猶昔轂擊肩摩遍市塵

雉堞崔嵬對岱東當年賜履獨稱雄一匡玉帛諸侯長四塞
河山大國風底事雕龍矜博辨好從乘馬紀前功經師最數
青齊甚高密淵源萬古同

八仙

臺

九扈

山

氣崢嶸定霸餘威協大橫地合營平開遠畧

勢同晉楚擅強兵歸墟溟渤魚鹽富分野虛危象緯明河嶽
鍾靈應似舊誰如管晏繼功名

日主成山萬象開瑯琊石刻紀秦臺卻憐徐市無仙骨更歎
田橫失霸才形勝自來稱北海幅員曾記合東萊卽今市獄
猶堪念黃老遺言未可裁

至壽光宿同年李子授

封

宅書以寄之

時子授方
爲河庫道

燒尾同登宴同官十二年別來經一紀到此倍淒然池淺新
荷小牆傾濕菌圓風塵但老大何日是歸田

過新城訪王文簡公別墅感而有作

城西池北盡荒蕪使節經過一嘆吁光焰豈真同李杜風標
端合繼歐蘇漁洋蠶尾風騷亞蜀棧秦關格調殊想見騎鯨
遊汗漫何人酌酒問靈巫

濟南喜晤王進士

元啓

兼示益孝廉秦川

廿載思前哲

甲戌余在濟南時值沈光祿子
大爲濼源書院院長今君繼之

何由得替人衣

冠仍肅穆經義又紛綸論學聲華竝秦川亦主
蒿城書院同鄉氣味親
無因長接席客路媿風塵

自博平復

命南行

已復齊東 命還承江右行屬車塵漸遠戀闕意常明未
覺勞薪苦將紆陟屺情南陔從此去護草正敷榮

韓莊

水陸盡三春鞍馬困馳騁茲來旬日間征途頗幽靚夏初峭
寒除雨過塵盞屏柳陰遍沙溪麥浪覆村町農事待將興堤
工尚未省肩輿雖登頓身動心還靜谷神本無營悠然睡復
醒公牘絕往還長官稀造請前涂候吏迎云近淮南境笑指
雲龍山雲開微見頂明發謝驟網沿流上吳艇試聽鼓迴颿
烟波快遙領

過昭陽湖三絕

長堤老柳作花飛人在湖船試袷衣夜雨平添三尺水釣師
正喜鱖魚肥
湖山重疊淡於烟斜掩篷窗自在眠風外誰驚清夢斷數聲
漁唱夕陽天
蒼絲蘆葉綠茸茸蟹斲鴉闌幾曲通未到故鄉先一笑分明
清景似吳淞

召伯曉泊口號

舶趨風高解纜時村農相識又相疑一春三度湖中泊不是
官人是釣師用漁洋句

趙北燕南至湖西又持使節赴青齊而今更欲經吳越河向
鄱陽沂貴溪

經時愁水復愁風換盡舟車路未窮猶喜深恩重乞假更
應上塚學龐公

過揚州風利不及泊寄汪韓懷諸君

擬過邗江廿四橋歌場詩社待招邀柔波如靛東風緊要止
輕帆趁暮潮

平山西望渺愁予草草斜行寄短書料得故人同一笑廿年
塵俗未全除

京口二絕

月落村雞鳴風急沙鷗起偶聞粥鼓聲時出江雲裏
竹林初日起甘露曉雲銷舟子催開纜西津正上潮

蘭陵書寄雲松諸友

遙望蘭陵驛斜通孟瀆湖村墟連片雲樹隱浮圖短箔登

登繭新巢燕引雛可堪櫻筍節路共招呼

舟過梁溪顧晴沙製竹爐和贈賦謝并示荔裳

扁舟下梁溪延訪同心友分襟已經年感歎互執手憶昔龍
山遊名園共樽酒酒酣到聽松修篁蔭陵阜名僧及高人兩
美俱不朽更開竹爐卷珍重踰瓊玖墨香入夢寐往往在心
口今我適豫章溪山信清瀏官齋聽事餘琴鶴亦何有賴君
貺茲器清風起座右黃蔑外斜穿烏薪內虛受可試谷口泉
豈惟煮陳醲不教爨婦攜常使銅童守覽物卽懷人蓉湖更
迴首

過桐溪橋有懷疎雨樓及蘋花水閣并懷企晉秦中
一家羣從並能文鬪酒談詩徹夜分池館已聞頻易主琴樽
誰得更如君夕陽空映烏衣巷宿草難尋馬鬣墳回憶青瑤
竝蕪沒只應灑涕望秦雲

自家起程途中所見偶成四絕

東風吹暖熟梅天攜得全家中畫船惆悵四峯青不了殷勤
送我過湖田

纔過楓涇又練塘蘋花鋪水柳成行篙師更說西江好雲白
山青似故鄉

西來鶯脰水如羅葉葉輕帆向晚過茅屋蘆灣圖畫裏秧歌
聽罷又漁歌

桑柘陰陰夕照來殘雲角雨殷輕雷眠鷗忽起歸鴉落賺得
慈顏一笑開

南湖

百里平江路鴛湖日影遲權分青箬葉帆罨綠楊絲芳草眠

鷗渚菰蘆放鶴陂何人懷小隱高咏似天隨

勝景千秋在扁舟又暫停梵鐘傳古寺漁唱出前汀烟雨三

重閣雲霞六曲屏錢尚書香樹書製詩於烟雨樓屏上御憑闌猶未已風順

報揚船

自桐鄉至石門

征輪越石門晚景澹澄霽殘霞隱東陲圓月出西溼麥秋雖
餘寒篷窗未忍閉戍鼓靜頻聞漁燈懸猶細臘醅瀉微馨春
茗潑新味雲露漸浩然遑惜灑襟袂遐思梧桐鄉近挹臙脂
滙風景入平遠烟波益清麗官程詎可淹勝踐奚由遂點燭
還解衣良遊付寤寐

過閘口換舟至富陽

三板江船繫柳梢溪山如畫望迢迢一肩行李輕於葉好趁

東風上暮潮

赤亭綠嶂露彎環謝監詩章見一斑豈料晚來雲似墨模糊
多作米家山

桐江水漲碧如油長夏微涼似近秋野老錯疑漁釣客青蓑
綠箬滿船頭

乍雨還晴鼓櫂遲輕衫側帽愛微颺閒中一覺華胥夢臥聽
前山響畫眉

桐廬道中口號

溪迴山折響淙淙短棹長篙鬪急瀧誰識雲山韶濩曲灘聲
永夜入篷窗

鷓鴣叫罷雨如麻已少鶯啼草詩話不奈秭歸聲斷後一灣
芳草亂鳴蛙

已無春網薦琴高石首江鮓亦足豪誰下西冷香雪酒枇杷
盧橘共櫻桃

鬪笋烘茶割蠟忙春蠶收繭麥登場田家樂事多幽絕更愛
山礬十里香

大雨過七里瀧

久雨夜溟溟何由見客星風雷灘勢壯松竹廟門扃漁釣傳
嚴瀨羊裘重漢廷桐君相望處何自薦芳馨
更有西臺客滄桑感逝波采薇義士怨晞髮碩人邁朱鳥悲
歌在紅羊浩劫過惟聞嗚咽水風雨激盤渦

嚴州

兩湖富溪山浙東更秀削我昔攬圖經夢遊悉其畧茲從西
冷來頗欲試胥脚豈期雨一旬千山送奔瀑逆流畏張帆入
藉挽索推篷尚未能何緣躡苾屨今晨近蘭溪蕭騷勢尤
惡時於浪紋中往往捲菜桷始知百里外饑蛟中夜作雷電
走村墟風濤汕城郭兩旁萬仞山紛流匯巨壑官行應稍休
庶可免驚愕此時雲氣平峯嵐露窄粵詰朝定放晴衝波當
漸弱聞言呼長年前灘始停泊

自玉山至進賢道中雜詩

懷玉山間路征輿午暫停蘭池三畝綠竹屋數椽青
節候南來早生衣愛晚涼盈盈楊柳岸已覺稻花香
我望鵝湖山不見鵝湖水何由逢故人
蔣心餘
鉛山人昕夕談名理
如玦復如環清江可釣弋村店晚烟開人家在寒碧
風月清游處長懷玉局翁石鐘不可聽空憶兩芙蓉
雲淡山如黛風迴浪作花扁舟疎柳下且喫紫團茶

洵是神仙宅時看雲霧通更憐藐姑射常近上清宮
彭蠡山無地鄱陽水接天與人貪厲揭不用木蘭船
日暮長烟霏孤城聽笳鼓欲訪麻姑山仙壇在何所
提籃青裙女攜鋤白足郎總輸雨後犢閒臥綠陰旁

貴溪

杳杳城河漲南風苦石尤更移黃篋舫小住白蘋洲新月
初上殘雷碾未休時聞林外鳥投宿語鈞輞

百花洲

宛轉花洲路依然虎阜同酒樓青嶂外香市綠陰中書畫多
爲貴笙簫聽不窮何當遊賞地稍紀昔賢風

謂宋牧仲先生

滕王閣

千秋高閣尚崔巍岸幘登臨四望開風月清談宜上客江湖

重鎮藉長才西山巒嶂當窗湧南浦帆檣傍檻迴更仰昌黎
文雅健三王詞賦共昭回

署中卽事

蛛網蝸涎印碧苔百年老屋漸傾頽東榮賸有梅花在不及
寒香冒雪開

池水彎環二畝餘迴廊曲檻儘觀魚春來葭菼綠坡上不見
田田長綠藻

珠蘭茉莉賤如蓬小閣香生午夜濃禪榻茶烟今已慣夢回
誰覺鬢雲鬆

洞天福地竝崢嶸暇日登樓眼倍明想像新秋涼月夜仙人
笙鶴在瑤清

望西山

族子次辰

陳梁

六十雙壽

我家遷漕溪屈指屆五世族姓雖未蕃文章頗能繼敢如元
 長言七葉自誇忝卻笑韓符郎譌識金根字念汝雖羣從問
 年長有二少小已恢奇天姿精且粹憶昔羈卯年從師勤講
 肄篝燈相因依蠹簡互排比摘文賄先成背諷鬪彊記賞奇
 忽共欣得解輒更示阮家竹林遊南北誰軒輕余與次辰少
同受業於蔡
淞南先生授毫試有司歷塊矯雙騎一鳴人先驚三捷戰皆利藻
 芹璧水香鼓鼓園橋沸俱膺博士員竝使各卿器又同見知
於張學使
恒臣廷琛余第
一次辰第三羅囊詎宜焚玉樹足取譬將搏北海翼忽擁
 東山鼻亨衢良可占蜚逐亦堪企閒居述祖德國醫著靈邃
 洞見垣一方遺書幸存笥先高祖及曾伯祖
季猷皆以良醫稱祕典迦靈蘭微
 言發金匱九籥孚陰陽六元契天地奇咳手親鈔摭情獨
 擎上自長桑君沿流暨聖惠顛顛扶豪茫斷斷別佐使藏府

解癥結蟻痕起重龍技寔與治一惟珍藥餌坐使神觀清
 容顏滋益粹腰腳既飛騰齒一綴扁鵲汎江湖昂藏露
 高致內有德耀賢中一克相莊米鹽得無累偕
 老其六十熏風值炎一鳥注扇餽食棗從安
 期採芝挹綺季著一克承嗣爾雲雖埃時早具
 垂天勢入舍浣一愛日慶方長何緣羨貂珥
 嗟我蒲柳姿垂去一皺冒瘴背肩痺功名齊
 雞肋身世跡蟲蟻一守門閭儂聞天所昇為我菟裘謀歸
 休獲塗墍余于
理以督理之默坐數前塵微茫宛夢寐
 當時研席朋一痺癡叔尚非癡舊詞添多識從茲共
 槃談解帶寫一作歌嘯嘆眾賓醉文忠一安節超
 然制老淚同一學矧同志一問懸弧期一兩難

置長筵雖未
武持觴聽此歌清鏘儼繁吹

題渚

水仙風竹共
亦自一家又怨春光嫌太澹畧教

月季試鉛華

枯枝瘦石兩崢嶸
傳物外情一道寒流明似雪出山

仍比在山清

嫩晴時節迴清虛
獨倚園林水竹居不管蒼苔黏翠裛暗香

深處讀仙書

蘇雲卿

老屋三間菜圃東
苔簷少屋仰高風山
有樂同徐穉鼎軸

無成恥魏公
花木當塢晴
巖雲烟
夜溟濛南州名士

多於鮑安得如君似雪鴻

春融堂集卷十八

青浦 王 和 德甫

杏花春雨書齋集

四乙巳

癸卯

甲辰

就莊為座主陳文勤公別業感賦

今續修西湖志于此

憑欄徒倚日將斜 蝨壁苔扉百感賒 疎柳千行空蘸水 殘梅

數樹偶餘花 湖山一路詩人境 竹樹

三朝宰相家

文簡公亦居此

搔首長安車 廢地軟紅何處問 提沙

子成進士謝文勤公于表家街邸第今已易數

矣主

宿雨初晴同周秀才仲育

厚培

家嶰谷

宜月夜汎湖

以山高月小水落石出為韻分得石小二字

宿雨獲新晴如夢初破曉 況此將盈月已上層巒 表命侶汎

重湖一舟凌浩渺 樓臺翳雲林彷彿蓬萊島 隔墟聞吠龍繞

樹驚宿鳥隱隱城柝傳星星寺鐘杳六橋寂無人葦外漁燈

微風西南來輕浪響苔石夜靜風漸平波光湛重碧更喚壓

笛郎和此洞簫客謂嶰谷歌雲入煙靄溪山破岑寂初春賸微

寒小飲況清適夜闌興倍佳停舟理吟屐長堤踏月歸微霜

灑巾幘

被旨授直隸按察使刻日北行崔幔亭龍見同書

局楊西和倫馬依堪緯雲趙晉齋魏張芑堂燕昌項

金門壩汪書年家敦初朱映濬文藻李書田廣芸餞

行是夜大雨賦此留別

少時頻踏孤山路去年曾寓西泠渡閒將經術互評論更有

朋簪博歡趣即今書局正新開涉險搜奇供撰著好語傳聞

出上方詔持符節畿南去廢吏頻來催俶裝舊游欲別

還猶豫山林愛我亦含悽忽屬東風起煙霧勝地難為十日

留論心聊作三更住幔亭舊守復多情置酒長筵呼合釀不

惜分攜意氣豪共商今古精神露會晤他時斷有期文章自

立當無誤縱難接席共寒暄要寄長箋豁情愫琴鶴難言政

題振華上人畫像

盤陀獨憩證無生垢淨渾忘出世情差愛墨花禪屋裏兩行

梧竹伴雙清

重開高閣領煙霞地近清溪曲曲斜試向綠陰高處望白鷗

精藍窈窕隔塵寰曾記名家共往還
爾得當年粉本在都將
水墨寫雲山昔語石蕉士兩禪師以篆刻繪事為時所稱名賢投贈書畫最多今皆藏弄無恙
不窮義學不參禪
粥鼓茶盞自在緣
媿我又隨春鴈去何時
重機楸頭船

別故居

筋力衰慵合挂冠
又承八異命五雲端
桑麻將別還
重戀松菊猶存擬
再看萬里功名曾汗漫
百年堂構最辛酸時年六十尚未
有更思牀上書連屋
莫任蟲魚漸損殘
訪念亭上人於中峯話舊賦贈
瓶盞蕭然絕點塵
卅年如夢與誰陳
漉囊淨饌猶前日
叢竹疎花及早春
問向芸蟬窮義學
老將松鶴鬪精神
獨愁斜照偏催別
便過溪橋意未申

嶧縣道中

矮屋含餘溜
微雲掩曙霞
不因山向背
誰識路橫斜
林迴稀聞鳥
村遙始見花
家人應屈指
春盡到京華

滋陽

古郡猶名堯
清流本自滋
村莊方雜沓
車馬共逶迤
細繭蠶家市
香煤魯殿碑
還誇膠出井
土物最相宜

過荏平

南來清泗一支斜
曲渚迴塘漾玉沙
隔岸村莊如畫裏
青帘綠柳間梨花

高唐鳴石遠
重重春盡還
生料峭風正喜
微雲膚寸合不嫌
細雨濕花驄

茶庵時將赴陝

五年三過駐行車名是茶庵且喫茶最喜者番春色好麥芽
齊綠菜初花

江北江南得得來正逢微雨浥輕埃禪門蕭寂真堪味澹白
桃花數朶開

六十平頭鬢似絲生平蹤迹幾人知除非座上真如像曾見
恒河照影時

千秋臺傳是光武卽位處

史紀春陵迹城傳鄙邑名瑞符呈赤伏奕葉繼炎精定亂朝
章復中興國勢更天窮黃室運人助綠林兵烽火除威斗雷
霆走大槍輿圖收北地文物續西京日角垂靈遠雲臺列宿
明未經疑象鼎先此會鳧旌卜雒基長奠當塗識又萌早聞
宮闕圯終見蔓蕪平王氣虛千古山形尙五成重尋對竈處

臣主信崢嶸

井陘關懷古

井陘關前朝駐馬危崖仄徑千峯下二十萬衆俱埃塵始識
淮陰真健者當時楚漢孰雌雄叶欲搗彭城又喪兵廣武榮
陽雖百戰太公幾作一杯羹陳倉軍出三秦併東渡黃河聲
勢勁背水交鋒赤幟馳安成君死河東定載拜還師李左車
燕齊傳檄在斯須蒯通進說非無見流涕曾悲樂毅書河山
北戒風煙掃烏騅夜失陰陵道千秋帝業五年成元功第一
誰人造烏盡弓藏自古云淒涼鍾室族全淪何如曾受平成
辱猶使弓高有孽孫

芹泉道中曉行

明星照繁叢宿鳥驚欲起披衣出驛亭清露尙瀰瀰老農叱

牛聲想當趁耘耔破牖耿明燈機織亦此始乃知民生勤作
息合婦子我今在道塗豈容歎勞止況逢長夏初微寒更可
喜舉鞭指前山新暉映林尾

過蒲州沈運使方穀

業富

出迎小飲

綠盈芳草快題襟足感天涯久別心旅館一樽重倚玉鎖闈

兩榜共泥金

予與方穀鄉會試同年

門牆自別年華遠

座主夢文子先生下世已二十

餘年矣

書劍誰憐疾病深

時黃仲則景仁臥病署中

猶幸關河真接壤莫教

魚鴈滯瑤音

潼關

鷓首星芒照九垓規模百二自秦開關山蒼莽爭天險文武
飛騰出將才日暖旌旗橫戍邏雲連城堞抱烽臺登高立馬
休憑弔看取三峯翠色來

渡河至華陰

昔年馳傳過雲臺此日乘槎擊楫來竹箭三門通浩蕩蓮花
萬丈削崔嵬墜驢有地藏高隱鬪蝨無人繼霸才又值河山
形勢壯生平懷抱喜重開

驪山溫泉

繡嶺十月霜作花楓櫨萬樹開晴葩純坤用事蟲豸蟄奚繇
變見金蝦蟆厥貌不恭異類出五行洪範言非差當時禁籟
互窈窕華清宮內疑仙家貴妃霓裳和簫管至尊羯鼓兼箏
琶東來軋犖襁繡緜夜半笑語騰宮娃洗兒賞賜輒百萬解
穢誰與懲淫哇吾今來近夏日至長空卓午飛金鷄苦無甘
泉滌煩渴漫膚多汗黏綸紗卷衣入室槃薄羸快意背癢仙
姑爬粉箱脂盃不待用已識癥結銷塵沙八功德池灌頂住

春風堂集卷十八
淨因彷彿同清嘉身輕浴罷脚不襪胡牀便踞呼茶瓜松陰
涼氣亦漸動晞髮更覺吹鬢髻殿角風來飄躑躅山腰草偃
奔麇麇紅羊一劫歷千古禍水何事頻咨嗟三峯遙望見玉
女洗頭盆下紛殘霞

西安懷古

兩戒河山陸海尊凱旋曾憶駐行軒久稱秦塞封疆大誰念
周京教化存州台雍梁通地軸度分井鬼近天垣聖經石刻
欣無恙擬與羣賢細討論時企晉東有淵如
雅存皆在西安
紫塞青門冠九垓桑陰麥浪值恢台雲高華嶽三峯出勢瞰
中原二室開天馬蒲梢經瀚海石鯨鱗甲想蓬萊地靈應有
英材出豈象遙看接斗魁

漢寢唐陵盡廢邱空傳自古帝王州管絃猶記瑤池宴花鳥

誰尋杜曲游新築都城開萬雉宿屯禁旅衛千牛

時新修省
城城中舊

駐滿兵二千名
將軍都統領之

莊嚴更仰金天廟玉女蒼龍太華留

幽岐自昔接窮邊西夏西秦壤地連每見旌旗營細柳常虞
烽燧照甘泉車書今盡鈞冲地琛賚時來勃律天貫耳纏頭
看絡繹亟修驛傳達幽燕按察使兼管
通省驛傳

初秋臥病秋帆中丞特遣伶人來過賦二十韻爲謝

兼示企晉舍人東有侍讀友竹上舍

署中得雨秋將生繩牀臥疾方淒清鼠肝蟲臂不自惜尻輪
神馬將何成簿書稍罷鳧鴈退隱囊惟聽莎雞鳴中丞憐我
太寂寞故遣小部來逢迎清歌似髮雲欲墮空庭如水香微
縈忽聞龍君奏破陣又疑雨脚齊吹笙十番絃索相間作圓
卷白羽兼鏗轟我因風痺久不飲堅坐已使心神傾昨日百

雉工初程高牙置酒偕葱珩有壬有林總總集以詠以間洋
洋盈匪徒長筵誇盛會要與河嶽雄函京嗟我病足未得往
陳力竊祿方屏營掩關復聞繞梁韻豈免慚喜交相并往時
秦雲稱擷英曹來殷諸君有秦雲擷英錄二卷左驥史炳馳芳名擗箏擊缶
今遍閱終愛吳語嬌春鶯琵琶每感遷客淚感栗或槍羈人
情寧如紫雲迴一曲呻吟能使還和平良朋談笑有穆父謂
之舊人感慨餘嘉榮躋躋句贅官自棄白戰仍擬尋齊盟

友竹出所摹董北苑夏山欲雨文五峯夏山及吳漁
山湖山秋曉三長卷屬題追感舊游率成長句

小秦淮水東門東燕城楊柳春溟濛一條畧約闌干紅佳話
傳說漁洋翁德州送者興頗同走召賓客登煙篷人三十二
以次從君年方壯揚清曠譚詩讀畫推昌丰我亦獻賦明

光宮將入京雒親宸楓同時意氣誇君宗流光電抹何忽
忽浮萍兩葉碧解中廿載未得瑤華通仰視但愧南征鴻去
年讀禮嗟尸饗忽辱芳訊來吳淞副以古隸莊而崇筆力似
欲追斯邕相望百里虛相逢懷君第覺心忡忡今茲擁傳臨
河潼衙齋晝靜聞音筵始獲揄袂開幽衷年逾七十顏如童
腰脚壯健超疲瘠豈有異術傳韓終示我長卷溪山重云摹
北苑暨五峯別仿墨井尤能工夏山煙靄驅豐隆浮雲潑墨
典蛟龍石燕千點迴長風山木盡亞青芙蓉一圖當暑清陰
濃飛橋橫巨眠晴虹山人蕙帳依簾櫳喜見畸客拖枯筇一
圖林屋紛瓏璵棧閣詰屈穿幽叢山開湖出溪所鍾蘆人屹
影張彎弓想當槃礴殊雕蟲真宰入腕搜元功一一神似非
形容實有山水蟠心胷君家鄧尉煙霞封梅花萬樹參杉松

東湖西崦鮭菜充斯圖母乃規其蹤嗟我霜鬢雙蓬鬆久淹
 絕徼呼傳烽雪嶺四面環高墉山川險怪爭龍從詎若對此
 心神融獨憐君亦隨飛蓬奔走齊晉裘蒙戎石隱尚未濟山
 農空抱妙墨娛羈縻此間形勝兩戒雄蓮花萬似摩蒼穹太
 華夜碧聞清鐘明星玉女光熊熊古來高逸此息躬寧必欵
 乃稱吳儂舊游況已宿草豐竹西鼓吹秋煙空三人幸聚等
 駟蛩丁丑雅雨運使修禊紅橋同會者今惟君與東有及予三人尚在而皆在西安尤可異也裙屐來往
 樂未窮南樓更可陪庾公相於游藝連春冬

印事

吏散重門掩幽禽下短牆茶餘仍隱几夢醒更焚香山雨蕭
 蕭過秋風澹澹涼閒真因病得此味迴難忘

企晉辱和前韻歷敘舊游循誦愴然復次一章並寄

崑南布衣吳下來殷侍講都中

少年吟苦太瘦生作詩長似秋蟲清偏絃么韻誰復愛君獨
 見賞時目成井蛙敢隨鯨鱗涌牛鐸竟和韶讖鳴璜川書屋
 深且靚往往倒屣勞相迎銅盤水寒朱果汎蘄簞冰淨紋簾
 縈沙斗張崑南及曹來趙升並餘子諧謔問作調箎笙忽思
 寒山便放權要看千尺奔霆轟歸來小查山閣坐痛飲不惜
 金罍傾爾時催詩刻燭程眾作錯落堆瓊珩杳期佳會承朝
 夕指似明月無虧盈八生捉鼻難自料薄宦取次游 神京
 雄飛雌伏互星散我更四面隨行營流光如電近卅載舊游
 異地仍交并君今絳帳羅千英鵝湖鹿洞將齊名翹羽雖謝
 巢閣鳳出林坐振遷喬鶯企晉為關中書院山長時將鄉試故云所嗟故交已
 宿草謂斗初策時升之名園蕪沒空餘情公超賣樂喜矍鑠叔通把

筆當隆平自憐蒲柳漸衰落逢科豈復還春榮感君賡和寄
南北江湖幸勿忘前盟

哭黃仲則六十六韻

黃生冠古才詩筆無與兩颺起南蘭陵文史備醞釀春容步
前修峭刻出新樣思能通無厚意必矜獨叔唯渙織綺麗裨
瀛激雄放黃雞忽變雉黑黍乃和鬯英英百六特矯矯萬人
將挾策來京華擬侍 瑤階仗碎琴不見知鼓瑟竟何向頗
爲狹斜游微吟寄惆悵堂堂朱笥河經義實硜仇君也出其
門愛君似珍貺連鑣肆幽尋置酒共跌蕩暨我從戎歸君來
依絳帳每謂王與朱南北兩哲匠生平所服膺喜得並瞻仰
時偕車笠朋並坐書畫舫刻燭夜常分扣門日相訪圖書嚴
討論稗野供謔浪辛苦攜家來母氏幸無恙歆傾屋三間冷

落火一炕循陔乏薌膏頰首愧益益鮑叔金未分胡奴米誰
餉口疑石闕銜心作愁旌漾用此出入憂有淚滴衣桁求爲
寫書官鉛槧事裝潢庶幾蒲 亦祿養自我歸江南
別夢屢憤恨今茲此 知石光適秦征途歷
亭障幸逢東道賢 鬼懸意
氣雲霄上時時邀吳 陸賈裝
幸免黔婁狀回 狐突雪纒滄龍門春
欲漲觀察亦清流 樓盍君屐設禮具
脯醬洵堪豁羈 聲動了喪瑣
瑣竟取災微痾 鬼神明了不
昏八口計誰傍知 代 以家事屬余
及中丞稚 含涕屬代書 地卜殯

葬獨念我黨中吳知州景人龍最良注上
大楊進士倫明經秀芬燦舍人揆行才秀左右分才廣惟君壇擅
決盪拱壁孰能先玉斤喜有當傳烽燭蠻雲三言章章繼
聞景君歿山鬼泣幽壙君今又奄然營魂越沈深與傳
經曷使我軍張計君詞章外溫恭具非量樂羣德不孤砥俗
志相抗風標謝幼輿簡寂阮思曠藝能能清暢
銅章彝敦古畫燈煙雲颺君工八分誰愛
等寶藏惟此數卷詩視古無所讓中丞已網羅珠頌頌
逝將授雕鏡寧至慮允長斯文既可定傳世斷非風雲劃
雷碾河嶽發悲壯麟麟千古足神王

六十初度

六十平頭雪滿鬢西來暫得息馳驅歸心却羨投林鳥去日
愁同過隙駒經誼鉤稽終未貫詩篇羽疊尙嫌麤文通老去
才華退撰錄時虞歲易徂

附作

光岳騰精氣奎文協斗遷泰符呈景事名賢豐
玉推鴻寶靈符紀尺鳳麟華胄外學
天人貫名章德藝王幽思吞卦書妙解正文
成錦唾嶸筆以里帷耽小笥號更更旂旂洗
桂先驅出收亦又終炳以騰騰臨江
介仁禮禮四巡亭禮陵篇有班馬誰堪
埒楊盧管敢先詩題紅藥署職奉天秋旂管筆揮珠玉
持衡掇杞榘丰神欽仲寶幹局重僧虔企公望真隆矣卿
才信美旃由來梁棟具不慮雪霜纏東駱馬纔驚越蠻烽

欲照滇弄兵連响町負固集獲延秋慷慨從軍去艱難出

塞偏金沙波浩瀚鐵壁路回道伐叛舒長策招攜握勝

權傳書喘陸賈鑿空陋張東傲外照晉草天邊虎旅旋

白狼充職貢朱鷺奏喧闐武庫將孤未戢茲連

營趨玉壘振旆指金川等密千林暗碣危何懸飛檣

尋木杪度索挂峯巒風鶴殊多警沙蟲可憐援梓勞

上相贊畫賴中堅吹律和風應攻車吉日涓賈生工餌

敵衛國善籌邊惟諒千里機鈴必九淵繩橋馳露布

雪嶺耀霜鋌偃鼓驚三覆鳴鉦駭兩甄纔看驅虎兕倏

已靖氛祇款塞輸寶馬歌風徧芋田燕然銘可勒郿閣

頌宜鑄絳闕頒新詔 彤墀繞瑞煙承 恩龍節迓

拜 命鷓冠鮮棘寺平反數槐堂歲月延樞庭辭儼直

方岳寄旬宣禮意隆 三接光榮沐九遷雲山豫章郡

琴鶴使君船滕閣延清賞匡廬對瀑泉聲華馳赤棒況

味守青瑣暫許松筠返俄聞 綸綽傳河潼開旭日汗

渭駐雲駟豸節霜威肅烏臺月彩圓香山仍學道摩詰

愛逃禪籬菊寒逾秀巖松翠更妍憶從龍榜後相契

鳳池前人海嗟寥闊官曹喜接聯江湖來素侶車笠

訂前緣共理懷人篋欣逢初度筵岸容花爛漫庭影鶴

翩躚八水青霞映三峯紫氣連紅包商嶺橘碧綻岳池

蓮織女初迴馭洪崖正拍肩謝庭春樹曉荀幄午香煎

晉即事真蓬閣他年友偃佺琅璈聽競響介祉頌綿綿亮

蘇文忠公生日秋帆中丞招企晉東有友竹稚存

淵如敦初家半庵程彝齋集終南仙館作

我媚江灌神靈宅不用家風標萬石攬揆曾聞箕斗夕幸見
 高齋集嘉客崧生岳降當靈辰遺容一幃神明存松雪下筆
 煙雲騰孤筇笠屐傳吟魂稜稜眉宇韓歐似自說生平窮不
 死今日為公作燕喜屈指生年由丙子獻畢更憶熙豐時僉
 壬攜拾烏臺詩黎風蜚雨了不知新說尙欲懲荆尸後逢元
 祐重清朗更三大赦金雞放北還急趁江南槩在宥何為功
 竟喪玉棺雖束長帽翁西方不無宿命通豈獨著述垂吟筒
 後死悲憤徒填胷我昔過公棹舟所蘭陵竹樹今猶古又過
 西湖風以雨不獲從游如仲甫茲來長安近廿旬具稔遺愛
 畱秦人夢游陝右洵夙因蘋蘩良足差蒿君兼以東湖山水
 秀名區到處畱遺構披髮騎麟來往舊視此黎叱神所佑中
 丞為政公同儕綿津私淑何有哉滄浪石萍浮塵埃靈旗應
 傍終南來風馬雲車如可矚竟須一語陳工祝豈特文章散
 珠玉要使廉頑刮凡俗主賓競奏鶴南飛間以竽笙並玉徽
 十行椽燭排簾幃自今歲歲來無違釣魚鄉遠薶仙骨紗縠
 行蕪亦奄忽獨有奎光長不沒仰視松梢山吐月

題秦中允端崖潮縫衣圖

游子身上衣慈母手中綫我吟有窮詩老淚恒欲泣今觀此
 圖中喬柯互蔥蒨軒窗豁開拓鞍馬鬪光絢似束短後衣遠
 游出郊甸斷機憶前修牽衣惜畱盼堂前白髮人行裝手縫
 綻一針一縷絲一絲一心願所願換征衫補袞近霄漢蘸筆
 寫丹青慈懷宛如見嗟我少失怙金護賴深眷不虞隨輕車
 萬里事傳箭南渡瀾滄江瘴雲漲炎暎西踰斑爛山雪嶺逼
 雲棧皮船瀉奔流鐵索亘斷岸礮石每旬轟烽燧肆凌亂維

時跂白雲親舍隔京縣數椽壓風雪一燈守炊爨懸知念慎
旃猶來發悲歎瘋思不可寫灑涕溢几案羨君少華膺盛歲
已從宦詞章元圃光名譽瀛洲選彩服羅青春籍甚三英粲
偶然出 國門使星炳霞煥皇華閭里榮英蕩路人羨歸來
奉北堂淳母佐蘭膳奚為仿南田歡欣雜悽惋具見不匱思
曾閱本同貫雖當書錦榮彌塵春暉戀畫荻垂芳型授經記
史傳何如播此畫以為絕裾勸庶媿老萊圖用竢淵明讚

慈恩寺

雕欄碧瓦出晴空歲久猶存勝槩雄百二關山標鴈塔三千
世界衛龍宮曲江杏苑平蕪外漢寢唐陵指顧中考古獨尋
雙聖教殘碑鼻肩暈青紅

盛京慶將軍桂以 御賜東巡詩篇見示敬和四章

兼寄晴村都統於黑龍江

出鎮旌幢肅時巡 輦輅隨韋平三世業豐鎬萬年規瀋水

通遼海開原接地陲承先兼侍養時太夫人久塵九重思

赫奕雲章麗便蕃綺帛隨陪都驚 寵賚相府繼前規地望

三霄路勲名萬里陲沙堤看載築 祕殿待論思

憶昔趨 朝日頻年荷橐予同直軍機凡六載通家承款洽予召

公讀莅事藉箴規關陝通西極幽弁踰北陲欣聞眠食好翹

足慰相思時公疾初愈

迢遞秦淮路名園昔號隨詩章畱小謝風月憶元規驛路懸

三衛朋交隔四陲報知驃騎道第五更懷思謂晴村

寄堦巖瑞唐榮

九峯如畫隔淞南珠樹雙棲意更湛人物過江推衛玠風流

絕世想劉惔香囊玉塵隨時備錦贖牙籤盡日探應向青綾
同詠絮好憑歸鴈寄雲藍

得門人白侍講書賦答

雅尚辭榮早翛然學道初正憐三歲別忽得十行書玉笋門
生眾君戊戌同考錢塘蔡小匡廷衡吳式如瓊元和馮實庵培皆出門下金蓮故事疎河潼春
水活數望寄雙魚

寄蓉裳伏羌時有被圍之信

軍烽動地羽書馳斗大孤城隻手支仗劔登埤詞慷慨燒燈
磨盾墨淋漓時以八百里文書告急傳餐盡斥中人產捲甲誰搴大將
旗搔首不堪頻望遠天狼芒角射南陲

白崖山勢鬪崔巍殺氣昏昏掩翠微共有風聲傳兩路時長武亦有賊從平涼趨西安之信獨看月暈憶重圍耿恭拜井心猶壯羊侃憑城

事恐非何日鯨鯢俱就戮蓉湖無恙問漁磯

聞程魚門抵西安卻寄

官齋聞已卸行滕長路關心問寢興空向湖山瞻紫氣何繇
風雨共青燈學當老去文章健昨以所刻散體文見示身在行間意氣
增余時在長武治兵寄語歸時笳鼓競硬盤詩句力猶能

邠州道中

降原陟巘度崢嶸人在幽風畫裏行遠向流泉覬地脈親從
陶穴問民生三軍軍制今誰考七月詩章好再賡一路棗花
香不斷莎雞應候已先鳴

邠州謁范文正公祠

拜手階前淚暗滋蝸涎鼠迹滿空祠權門豈肯隨文靖清德
終懷頌伯夷千古傷心朋黨論一時破膽敵人知秦川吳苑

遺徽在兩地馨香百世師

泰峪道中夜行

過雨仍飄雨先秋已作秋障泥寧足惜說輶劇堪憂灘漲聲
方厲雷殘隱未收宵征渾不寐白盡老夫頭

靈臺何氏書齋小憩

何氏園林好何緣此日過對城開粉堞卜宅傍巖阿映坐簾
櫳靜垂簷棗栗多千秋靈沼地風物尙熙和

天堂鎮雨後

屬麟游

驛路新開傍巨川天堂鎮本非驛路余時駐長武與隴州戍守諸處文報往來應從鳳翔岐山扶風武功乾州遞送殊多紆滯訪知長武以南由獨店天堂鎮寶峪山傍汧水而行至鳳翔止二百里程途甚近故於此別設臺站夫馬於是路程闕風伏雨赴戎旃石城已報長圍合隴坂既近信息易通矣猶煩列戍懸投筆悔同班定遠據鞍恥效馬文淵征途即日

差堪喜多稼如雲滿大田

時回賊據石峯堡即明史所云石城大兵正在圍攻

汧陽道中

圍圍雲猶族沈沈震遂泥盤渦驚瘦馬斷嶺出殘霓落實桃
梨熟垂芒黍稷齊導汧懷往迹浩蕩下岐西

旅夜寄渚紅

短燭熒熒照綺疏明河左界夜涼初雕櫳不見紅鸚鵡只盼
征夫數寄書

短衣長鋏歎飄零吳嶽愁看數點青聽遍隴頭嗚咽水不堪

亭在州西七十里故關上

重過碧寒亭

亭在州西七十里故關上

隴州夜宿

時聞山西總兵福敏泰領兵至子為指示要隘駐劄之所

隴頭流水聲嗚咽自古征人心欲折我今到此值清秋風塵
奔走頭如雪茲山山勢來秦關終南惇物相鉤連懸流飛瀑

互噴薄霜前月下恒潺湲况復征鴻正南下雜以哀猿清嘯
者夜半西風捲地來羈人清淚如鉛瀉長吟驛外正傳烽授
子安營屬總戎旅店寒燈終不寐短衣匹馬事難窮明晨更
泝寒流去且與徵兵分駐所總將敵愾激貔貅不教家信傳
鸚鵡

鳳翔東湖謁蘇文忠公祠三首

關中地高寒山多藪澤少江河兩界外八水自縈繞曲江與
漢陂到今亦枯槁鳳翔有東湖澄波乃縹緲漠漠散鳧鷖汙
汙漾蘋藻征鞍此稍休涼風破煩惱正欲解塵襟沿緣泝林
沼幸有同心人具舟及清曉謂鄧子菽原傳安
登艦已蕭瑟抵岸尤幽妍垂楊翳溪步未到鳴秋蟬入門仰
龕燈玉貌真如仙古來清妙人例與水月緣杭穎尚未到宦

游占

去聲

其先八窗亦半啟荷香入爐煙

憶公簽判時行年二十七欬吐落珠璣風標映雲日殷勤憫
農心早已著詩筆夜深望河漢甘霖詎能必况今蟣蝨徒搔
爬猶未訖伏羌常被圍石堡待掃穴六月正悽悽何由免顛
越知公白雲鄉下視定憂恤

東湖夜宿

漠漠菰蒲積紛紛荇藻橫端能通酒舫洵可濯塵纓月暗聞
魚響燈移覺鳥驚如珠秋露重頻使翠盤傾

吳嶽

華山西嶽垂虞典周禮職方推吳去聲嶽古來畿甸互西東望
祭名山亦遷轉豐鎬已距長安遙鳳翔更與河潼遠岍山作
鎮奉明禋漢唐視此良非舛我今擁傳過汧蒲九峯蒼翠空

中顯疊嶂層巒洞壑深興雲降雨蛟螭偃灑埽時看長吏臨
纒黃每望名卿遣豈惟稔黍及秋豐並知癘疫羣生免嗟我
無由盡潔蠲望中暗已輸情款西陲蟻賊正恇懷伏羌龍德
鄰烽燹昨聞尺一下 重霄元臣宿衛來京輦雖知韜畧有
多方還藉神靈能速翦汗流石馬荷成勳直刻餘氛如菟獮
更頒錢幣飾官廷金碧輝煌昭禁扁時廟宇亦稍頽圯

七夕再過許明府古芸

光基永壽衙齋

高齋從此憩塵纓筆格書牀分外清賴有杯盤酬令節何堪
風雨話行程予從隴州往長武經此香浮玉盃花仍麗是夕以茉莉雲
掩銀河月未晴桑下只愁三宿戀時子已三伴人燈火況多
情

將回省留別長武諸生

半載防邊羽檄煩幸無力役病黎元地因塞近風猶古雲爲
秋深日易昏黍稷年豐肥鴈鶩桑麻人樂靜雞豚只愁士少
詩書氣學業何由得共論予至長武恐所帶書手騷擾地方故令校官選生員數人以供書寫
計五月中所書至二千餘牘今將回省使各歸家因令縣樊君與校官修葺學宮且作碑文以記之而情尤倦倦也

窑

陶復幽詩詠邊隅制尙存寬能容奧竈堅不礙耕屯石屋仙
人洞柴扉野老村秋寒來信宿臥炕已微溫

回署

綠陰如幄赴鶉觚歸及涼風下碧梧却值清尊酬令節月華
如水露如珠
鸚哥催喚遠歸人雪棗冰梨次第陳風起不教簾幕下微香
已覺桂花新

奎將軍林總統伊犁道出西安留飲賦別三首

勃律河西幕府雄此心如日氣如虹不嫌萬里流沙遠早歲
天山已挂弓

單急輕裝付使車悲歌慷慨有誰如
搗來愛與公榮飲酒墨
淋漓蘸髮書

金盆月落暗長亭豪竹哀絲亦漸停
誰伴陽關西去路戲持
玉琰問秦青

附來詩乙巳春過西安後寄蘭泉廉使

奎林

倦客看春尙有情嫩紅柔綠眼仍驚
風流地主緣何事不
折楊枝贈遠行

題洪稚存寒榮永慕圖

洪君獨行伴曾閱高節稜稜絕畦畛
示我寒榮永慕圖秋霜

入紙生淒緊雲谿谿畔樓五楹紙窗木榻風泠泠
四壁寥蕭
隱機杼一燈黯淡方呶嚶每宵喚起三更後魯論戴記皆親

授隔江驚醒捕漁翁太息商聲出林藪敗門荒塹依茅蓬
篋
勞晚翠櫛櫛紅紡車側畔書一寫此景與我孩時同禮堂光

太夫人序云回憶三紀以前坐紡車側畔課兒讀書一燈熒熒然與呶嚶聲相間宛然如昨日事而榮悴頓殊信為善之報也
我今遲暮嗟無用空負當年勤課誦引經比事竟何能

青綾彤管增悲慟如君鵬鶚迴風塵抱犢亡羊遡典墳
三倉風雨搜遺簡兩戒河山辨廣輪慈烏返哺雖難遂豈羨高檠

照珠翠棘下淹中望古情韋編鐵鑑思親淚范冉清修照古
今注丹學行冠儒林肯將紆紫拖金意為報春暉寸草心

送李侍御藝圃漱芳還蜀

顛顛今如此相攜不忍看孤高常自命辛苦有誰寬鐵柱聲

名重麻衣道路寒一緘傳我弟謂南鄭重給豬肝

蘇文忠公生日再集終南仙館作

戒期不俟卜筮筭裙屐借來小雪天辰已久空先哲夢庚寅

猶記逐臣年千秋翰墨傳遺像像係趙承旨兩部絲簧薦廣

筵已約高齋常此會騎麟披髮定欣然

集廉讓堂送吳企晉之開封聯句五十二韻

皞帝矩已移甫德炎官傘未斂巾拭汗牀牀江寧黃之箠磨塵

冉冉端宜避炎歊鎮洋王開奚事歷嗛嶮下榻方見招嘉定

少承筐豈容忝分張香良朋仁和趙話別列清簟嘉肴聶殿

脩歙縣程珍果雜瓢瓢殷殷起在陽懷寧余鵬妻縣楊之

涼飈忽偃林吳江史善殘旭薄垂嶮浮蟻情可欣妻縣楊之

歌驪意終慊念君脫簪紳來此理鉛槧建祀溯獲雞德從狩

論載儉昕鼓擁臯比星宵膏考蝨檢經傳徐子公牛業授奚

容葢講堂森森少吟院華燄燄諸生懷鹿鳴晉邦伯慶鴻

漸命意嘯孤寒齊危詞惕誠儉唱諧協刁調伯笑劇破夢魘

春游襁共牽芬宵燕笛齊摩藉非舊雨邀篋宵使征塵玷往

迹溯遨游前期竟荏苒璜川拓軒櫺甫德查閣架巖广堆槃剝

雞頭星巖燒蠟擘蟹曆時經陰更晴牛庵山愛重還掩王鳳階錢

曉徵良所敦少張策時趙升之誰能貶譚執刮媿晉審音

別厚弁嘉會詎可常齊知交實因淡廿年久睽孤伯三輔復

喁嶮白憐齒久衰芬兼邁疾頻染憧憧憂患增星况况精神

歎浮萍嗟兩葉飛電驚一閃聞將去咸秦甫德從茲歷河陝中

州應權衡星古俗具規範瀝澗水如環牛嶠函峯似賺晴靄

翳村墟少濃陰羃桑廩和會昔所交晉歲取近稍儉浩浩黃

流翻舜冥冥赤埃風閭閻稀籬籬扶伯歛歛鮮耕殺食幾漉鳧

苾芬野僅贖蔓蘇溫詔下便蕃仁波寫灑激洵

慰望殷殷甫疇云德謙謙挑淤土旋疏星作埽木齊斬蛟鼉

馴奔騰庵鴈鷺絕慘澹鄭人愛罕虎少晉地頌變厲雲龍復

相隨晉魚水良非諂名流嚴東有邵二雲親彝羣雅孫淵明如

洪稚存廉娟選勝更躋攀伯琢詞付鐫鑿贈策已恫惶誦分襟

莫悽憮嚴關四扇闢山喬嶽千尋儼楛梧葉未藹種稔穗初

漸纍纍負箱笈奕奕駕駢驪行殊隗適燕訪等戴居剡慘袂

圓月生長庚吐眩眩甫

鴈足鐙鴈足鐙盤下刻云建昭三年考工工輔為內者造銅

鴈足鐙鴈足鐙重三斤八兩護建佐博嗇夫福椽光

陽平家畫一至三陽朔元年賜足下刻云後大廚共

鴈足鐙一形模奇槃徑三寸高倍之厥底暨側鐫文辭曰漢

建昭三年遺省中考工工輔為右丞宮令職所治嗇夫護建

咸其司博福光相名次垂迄陽朔歲星十朞陽平繼封菁土

貽後廚祕置嚴屏幃長安好時同遺規三斤八兩區豪釐勒

字母乃鑱金錐年深世遠罕缺虧蠟茶之色兼瓜皮名類食

器實則違大美非可調芳滋想當禁蘊鼉更遲宦官謁者相

提攜燃以朱火沃以脂金釭銜壁明彤闈酣歌恒舞干蛾眉

擁髻詎照長門悲渭陵多藝幾文思洞簫琴瑟工娛嬉掖庭

待詔歸荒陲新室文母本翠嬀絳緣諸子意稍怡丙殿甲觀

森透迤畫堂幸毓天人姿外家恩澤數不貲十侯五將雄宗

支將軍司馬尤崔巍當時賜出羣愕貽黃霧四塞遮炎曦豈

顧星芾昭乾維稽古冶氏精鑪錘攻金尙象伴工倕聃諸鳥

獸靡弗宜殿名鳳皇繪參差觀號鳩鵲圖屢屢虎圈鹿館兼
 龍池飛廉屬玉縈采思茲仿陽鳥凌秋颺乃寫一足如靈夔
 雪爪宛作鱗之而蹠屬相著愁翻飛獨尠翁雜見漢書增光
 輝當年雕刻誠何其射鴻臺燼蕪餘基或畱蹤迹存依稀或
 因屬國老牧羝端藉帛書讐蠻夷抑時水患方渺瀰取象中
 澤多瘡痍昔賢寓意深然疑上林榮宮恐已隳首山蒲阪渺
 莫追甘泉林華見亦希今幸獲此珍珣琪往客紅橋歲指寅
 玲瓏山館花飴甜賓從動色來掬攄定窑一盃熒熒暉樊榭
 傑句人交推痛飲竟倒千畱犁廿年如夢欣重持生平嗜古
 懷軒羲王子飮鼎高奴竊伯茂類盤季姬匝木父己卣單從
 彝饗餐花麤蟬紋卮法物淪落艱尋窺西京古製良足私書
 法矧復參高斯六十一字陳珠璣似篆似隸盤蛟螭斑斑古

質無邪敬李菊丁緩何能幾望古遙集生嗟咨九篇墨瀋爭
 淋漓振三星巖少山晉齋誦芬簞繼聲援筆成此詞一物差
 可覘興衰鼉聲紫色火德移寧憶朱鴈登歌時

同作 弁序

大興翁方綱 振三

述庵先生以所得漢銅鴈足鐙款拓本見寄其文
 曰建昭三年考工工輔為內者造銅鴈足鐙重三
 斤八兩護建佐博嗇夫福掾光主右丞宮令相省
 中宮內者弟五故家又云後大廚又云今陽平家
 畫一至三陽朔元年賜愚按此鐙與揚州馬半槎
 所藏形式相埒而徑圍稍弱半槎所藏者予嘗見
 其拓本中間云重三斤十二兩以今所見此文三
 斤八兩正足驗漢代權量相去不遠而厲樊榭詩

注乃云四斤十二兩則太懸絕矣末云護工卒中
不禁省此七字爲句其下又云某宮內者第廿五
正與此鐙中宮內者第五之文相應而樊榭誤以
某宮句與前一行連讀遂訛省爲首又誤牽薛尚
功鐘鼎款識所載蒲阪首山宮鐙之文不知彼自
在永始四年與此無涉也蓋半槎所藏者銅質半
蝕其文難辨遂致省訛爲首卒訛爲衣耳考漢孝
成鼎云守令史永省又大官盂云主太僕監掾蒼
省又綏和盂云主守右丞同守令寶省蓋省乃稽
察之義猶漢碑云察書也今是鐙字字完好且造
於建昭賜於陽朔一器中有西漢字二段尤可寶
也爰作歌系於後

厲徵君詩內者銘我見拓文未見鐙君今爲拓鐙款寄使
我砭誤心怵怵甘泉泰時修故事河東后土屢薦馨初元
以後閒歲舉不獨涓選更匡衡誰歟傅會首山祀荆山之
鼎朝萬靈賈慶造鐙在永始不合牽引來竟寧昔屢疑之
未敢質得此款記尤可憑其槃規旋徑稍弱漢權漢尺原
相乘底曰建昭側陽朔故家畫一於陽平前鐫後識歲一
紀八分小篆絲迴縈歐公恨少西漢字今乃一器雙妙并
陽朔之題更圓勁元尙急就篇初增半槎所藏字半蝕幾
被亥豕紛訛承孰如此鐙底瑩澤燦若列宿捫生稜劉敞
裴煜不可作林華蓮勺誰能評我詩不憚諍樊榭君藏庶
可追廬陵

吳鑑南蘇門聽泉圖寓開封所作距殉節時已十四

年矣感題二律

水邊林下舊丰儀，未却偏逢蜀道危。寧朔參軍亡尉靜，征西長史痛楊怡。礮雲墮地空呼戰，雪嶺連天失裹屍。烈士詞人君並擅，展圖風骨尙瑰奇。

中郎久逝典型存，覆醢餘悲忍再論。故里何繇歸鑑水，高情

應尙戀蘇門。三巴望斷雲中戍，五夜思傾雪後樽。

君在京師夜夜過余邸舍論詩雖在雪時不輟差喜褒忠 恩澤厚時其子方以廕補縣令入都好憑詞

翰與招魂

題蔣同知紹初業晉開逕圖卽送其歸吳下

杜陵開逕昔所聞，近有繡谷傳清芬。憶我少時過君舍，招邀裘屐窮皇墳。夙夢依稀三十載，君亦短衣淹絕塞。長安相見出斯圖，拭目前游仍宛在。篔簹滿逕風蕭森，甘蔗葉葉生涼

陰。小亭翼然倚石角，君也獨立疑清吟。交翠書堂如可見，蘇

齋只向西廊轉。梧巢隱約直其南，惜少方池水清淺。當時賓

從屈指掄虞山，王侍御長洲沈尚書齒德純沈冠定沙斗

張策時吳企盛嶼青鄭迂王鳳錢曉曹來趙升適徐陳魁

君家哲弟升年尤少玉，樹瓊枝擅風調。邀客常開雪後樽，尋

山每放花間棹。至今駒隙送雙丸，宿草停雲涕淚闌。唯君絕

域生歸後，意氣猶能示據鞍。杏花春雨齋中酒，如雲喜見談

天口。我愧年來困簿書，鬢絲作雪悲蒲柳。指日抽簪計已成

乞 恩當復返柴荆，好先寄語彭允汪大沈桐重起鳳重向圖

中續舊盟

送淵如後有寄

南樓樽酒最清嘉，憶與興公手共叉。滿笈圖書常作客，半篷

雨雪獨還家游仙句曲窮幽勝聞笛山陽轉歎嗟謂黃應向仲則應向
江湖頻望遠河潼百丈聳蓮華

蘇文忠公生日招同人集廉讓堂卽事四首

又見簪裾集重瞻笠屐眞絳人留甲子楚客記庚寅磨蝎名
偏重騎麟迹未湮東湖相望近還擬薦芳蘋

華嶽三峯峻峩嵒萬仞秋雲山知不隔魂魄定來游香印梅

檀像松醪藥玉舟神絃傳致語髣髴繼商邱謂宋中丞牧仲

賈陸經綸在紅豆老人云東坡深歎賈誼陸贄之學不傳于世晁張意氣聯英靈如

可作名節至今傳南海飄零久西方願力堅憑誰吹玉笛招

取鶴飛仙

冰雪凝寒候煙霄陟降時神來玉局觀像擬瑞蓮池詩筆下

秋業廉頑百世師金梁橋畔會共望小峩嵒秋帆中丞曩在西安每冬致祀

今移管中州汝州有小峩嵒公兄弟葬焉必爲此會故及之

除夕

一樽蔬筍兩人同燭影幢幢待漏終自媿行藏渾未定已甘
貧病任交攻衙齋况味清於水賓從詩才氣似虹時誦芬以和詩見示

差喜瓦溝留瑞雪早憑鏡聽卜和豐

春融堂集卷十八終

春融堂集卷十九

青浦 王昶 德甫

杏花春雨書齋集戊申

丙午 丁未

送史誦芬歸吳江

參旗非鉞遍巖疆君游甘肅最久重向青門促辦裝風樹幾年懷馬

鬣時回南關河千里問騾綱讀書樓迥居偏勝君有讀書樓圖鈞

雪灘高夏正涼問訊休文銷瘦否謂沈桐不嫌詩酒共清狂

春雨兼句讀來殷欲游杜曲未果諸詩感題其後并

寄

手挹芳華作寓公清游無暇苦忽忽人憐花月時難得天
斲琴樽句易王白閣煙巒連夜雨紫薇坊巷幾番風雙清心迹
何由遂寄與春明此恨同

慈恩寺牡丹盛開中丞同幕府諸人並集

名花開遍鳳城西
簇仗鳴騶上客齊
風落珠璣生咳唾
香浮翰墨走雲霓
華祗覺春如海
酣適俱拚醉似泥
總是昇平同樂意
攔街聽唱白銅鞮

口號

猿亡楚國竟何緣
大索還因壤地連
正是星河好時節
明朝一騎下藍田

七月十七日夜宿藍田行館半庵見過留飲有作

暫出青門第一程
故人解后又班荆
爰書初罷三千牘
危棧將盤十二崢
樂瀨敲湖游未遂

時以抵暮不及游鞦韆

玉山藍水志將

成牛庵因修縣志在此夜闌笑指如珪月
看取秋中酒再傾

秦嶺謁韓文公廟

終南太華高插天
劃開梁雍分星躔
東西綿互迨千里
中條太乙相鉤連
岐汧商洛亦映帶
深山大壑蟠雲煙
我昨奉使行藍田
南望此嶺心道然
天雞未鳴促戒道
將歷阻隘踰崇巔
盤旋危磴八九折
松杉絕頂飄旌旃
文公祠廟倚岡阜
丹青棖梅開崇筵
下鞍繫馬入階屐
香龕燈火昭精禋
袞衣繡裳氣象肅
垂紳搢珥神明虔
當時上疏罔忌諱
潮陽瘴癘窮瀛壖
蝦蟇斃炮作飲饌
鱧魚牙齒森戈鋌
生平學道足自衛
俛仰寧止生憂煎
相傳雲橫雪擁處
湘子幻術開金蓮
人天調御尙詆斥
肯以怪異歸神仙
唐人稗說喜附會
好瀆賢哲非真詮
鄉農伏臘競趨走
歲時簫鼓爭誼闌
坐受胎蠻此亦得
自與嶽瀆垂千年
裴裒再拜行別去
且恐疾雨來靈淵
況我得失知分定
巫恒不用占筵筭

神前廟祝出示杯琖之具故用公宿恒嶽廟詩句

由商州赴山陽作

稻香風露滿溝塍差喜農家歲事登秋樹青黃分五色楚山
蒼翠出千層長征鈴馱原如客垂老藿鹽漸似僧余時茹素最是
漏天情緒惡頻宵寒雨濕行滕

詠商山四賢

四皓洞庭居潔身乃避世迄今角里村煙波入鏡豈何為商
洛間高風亦宛在往來建成家應被留侯累終南有捷徑今
古同一慨四皓

朝乘太白雲夕屆含元殿樂事萬方同陳詞類諷諫脫鞵乃
敢嗔捧硯亦何羨行行過楚山峯巒愛葱蒨帶園綺亡與
誰共游宴太白

玉溪苦依人商顏頻駐足清辭狀絕景崎嶇宛在目收果猿

出林退香麝投谷一時乾騃子同工亦異曲人迹板橋霜朝

來見幽躅義山飛卿皆在商州幕府

翰林少英偉騰身入臺閣論古記恢張陳詞動蹇謬直道世
難容屢出到商洛一見蓮座書天涯感小畜千載誰知心像

贊長公作王元之謫居商州蘇文忠公有贊

棣花鋪道中

梅峯楸峪路透迤秋氣蕭森軫客悲力不禁風黃葉墜色偏
宜雨碧苔滋仙人種藥留餘迹高士清游剩舊祠有祠欲問
苻菁東下路亂山荒壘戍樓敲

武關

少習山高夕照曛巖關直上接蒼雲道長豈免心千折逕狹
頻垂足二分自古雍梁稱阨塞當年秦楚屢懸軍昇平不用

九泥守戍柝空煩隔嶺聞

苦雨

不信來陰地經過盡漏天灘高翻岸雪雲重壓村煙紅斃涓
楓徑黃低沒稻田篷窗官燭底蕭颯更無眠

梳洗樓

傍有仙女廟

危逕時時斷疎林葉葉斑路通商雒縣水入舅川關風土仍
三言人煙接百蠻羈愁憐野鳥日暮又知還

雒南道中

熊耳連雲棧雞頭舊日封治經秦內史郡入漢宏農溪澗條
條合煙嵐處處濃丹崖兼白石勝景不時逢

山木家家伐溪泉處處流空場鳴碌礪密樹語鉤輅負耒來

何衆誅茅意未休

時楚蜀人多在此墾荒

詰奸嚴令下哀柝殷層樓

白山陽至舅川關將由漢江行

老去空憐意氣豪羣山俯視等連鰲伏波仍試青驄騎博望
將凌白鷺濤暮雨欲來雲影亂寒江初落石棱高舅胡褶袴
生平事誰分悲秋學楚騷

過銀花河

苦竹叢深溜馬蹄山雲忽合雨淒淒紺關傍嶺青楓密槭峪
分流碧稻齊湘子洞深迷翠靄宜娘寨險接丹梯銀花東去
猶餘暖時聽清蟬隔樹嘶

上津舖

處處榭林叫畫眉薄寒正是中人時江山莽蒼同秦棧煙樹
蕭條入楚辭石瀨忽鳴波似雪秋雲漸合雨如絲須添欸乃
孤舟裏蕩槳聲中唱竹枝

柳村舖

清霜點點上征裘策馬真成汗漫游偶為乞漿煩走卒何須
搥壁問前驂關門無警長眠犬農事初閒已放牛江上人家
楓樹裏銅鉦早挂屋東頭

煙草花

曾吟煙草余向在吳中與同人作淡芭菰詞見煙花澹白微紅數朶斜誰料
風霜蕉萃後絲絲還繞玉窗紗

仙娥碓石洞中有像設

險絕仙娥碓陰厓一綫縈香煙時杳靄水石近琮瑋山月當
眉寫雲衣擘絮成清涼居士力安穩得行程編為今廣西提督三德所修

自白水河至藍灘

涼風雖戒寒餘暄尚未變蒸為十日霖濕雲蔽巖礧絲絲點

不開牀牀漏難斷津吏忽來言濁流漲清漢緣溪數尺高洄
流疾如箭我時仍發船灘灘闖瀆逆上次藍灘盤渦益颯
悍殷空雷霆驅觸石冰雪濺遠疑鷺鷗翔近偈蛟蜃戰長年
盡呼嘯小使劇顛眩出險乃斯須安危竟一綫我生驚遠游
所適駭聞見清浪暨江門性命付夢幻獨憐挽船郎百丈累
魚貫衝雨午未餐力盡泥沒胛

兩河關在洵陽

前山忽露夕陽紅一道谿流兩處通河畔扁舟真似畫筠篙
斜纜小玲瓏

聞陞任雲南之命

足迹何能遍時欲往興安頭銜幸已遷計時將十載新任莅三宣
城郭昆明地雲山洱海天詰奸猶未竟欲去轉流連

至韓城望龍門形勢

兩崖對起高崢嶸巨靈雙蹠空中行懸流千仞快一瀉雷輞
電激何能平當年文命奠水土役夫百萬開縋紘風輪鼓盪
氣迸涌地勢長向東南傾伊列自通鄂勒索金沙別自趨窮
瀛西域三十六國水悉由北戒時虛盈河從火敦淖爾下散
漫點點疑晨星雪山鹽澤衆流合沙漠九曲交縱橫蘭州寧
夏出復入賴此約束歸方程我來霜後水正殺白沙沿岸生
晶瑩想當伏秋新漲日兩涯莫辨奔訶轟并涇包衛走豫竟
得不潰決懷襄陵雲梯關口矧淤墊芟薪竹槌徒經營邇年
屢決復屢塞乃荷 聖德通神明徘徊眺賞日將暮牛巖祠
宇留丹青馬遷遺迹誰所剗清娛旁侍還娉婷河東河西繡
壤錯隔岸蒲坂連洛城萬千苔碣豈勝數籀書繆篆垂碑銘
孤筇他日擬再經層樓飛棟開軒楹終風凍雨送飛瀑坐看
龍鯉遙騫騰

過新豐

未央宮闕久淪傾小市仍留舊日名傳說寢門猶擁篲何堪
戰地欲分羹粉榆雞犬衰年樂芒碭風雲故國情往事尙存
沽酒處一帘疎柳夕陽明

至青柯坪欲登蓮花峯風雪不果

宦游三載長安住玉女明星見朝暮無因結襪上蓮花一覽
欣同鴻鵠翥秋來奉 詔移昆明展 觀先令趨神京寒空
蕭颯過此麓快意積願今能成芒鞋早過希夷洞再歷雲臺
截高棟盤旋直上半山坪青柯巨壁當其空茲坪赤立拔地
開千仞三面高崔嵬解索劈斧畫難盡驚猿瘦攫何由階迨

迢一綫如懸縵上界蒼龍貫天井僕夫賈勇欲先登子亦褰
衣思躡景同雲漠漠金烏斜北風捲地揚塵沙衆峯突兀渾
不辨雪片如掌飛天花驚馬頻嘶驚獸竄導人勸勿矜精悍
空作文公訣別情且從墨子迴車歎須臾徑寸已成冰鳥道
崎嶇豈得行勝游自有因緣在願力雖勤未可憑邈邈河山
同一色此時風景誰人識安得吳興黃鶴樵直挂生綃彈粉

墨黃叔明有泰山飛雪圖事見畫史

過平定州有感

一線添初日雙浮望遠山少看風色定未覺道途艱煉石傳
仙竈聞笳說故關侯芭今不見訪舊淚潛潛門人王進士臻
世久矣

故關

鴈陣寒偏緊騾綱晚更催路盤三輔近關接萬峯開形勢當
天險蒼茫失霸才生平來往熟不覺戍笳哀

聞寶東臯先生光稟復官

風采生平動紫宸忍看培克到疲民情當孤憤身何惜勢
到艱危志竟伸自是轉圜繇黼座獨憐掩淚徧冠紳小懲
大戒非無補聞說南邦氣象新

瀛臺觀冰嬉

雪霽雲消小隊開依然昔日侍蓬萊毬門弓矢三番接畫
舳旌旄五色裁汲黯淮陽常有願賈生宣室愧非才明晨又
逐南鴻去鷁鷺何時幸再陪

曹竹墟侍郎招飲話舊

三年別夢一樽同話雨纏綿未易窮衣染風塵常作客鬢霜

霜雪久成翁深叨孔李交情厚令兒中履侍御坦辛已會試予所取士更羨楊

劉物望崇分手明朝仍萬里京華回首盼飛鴻

茶庵三絕時瑞應重暉相送於此

下得肩輿夢乍醒又煩軟語共叮嚀豈知粥飯茶魚地常作

勞勞送客亭

屈指殘年六十三秋霜兩鬢更鬢鬢盧溝冬月西風緊萬里

滇池送曉驂

晨星落落故人稀裙布釵荆兩地違誰識此時情緒惡風吹

微雪上征衣

真定寓梁氏秋碧堂蕉林相國故第也感成四絕

北戒河山湧翠巒太行秋色照檐端昇平休沐多清暇暮靄

朝雲挂笏看

逢時密勿著綸扉汲古憐才近亦稀收得牙籤千萬卷法書

名畫映簾帷

晚年石墨喜鐫華真蹟鉤摹十數家幸有侍郎能好事倩人

磨洗出塵沙相國刻秋碧堂法帖未成而卒其石覆在廊西絕無知者金檜門侍郎督學京畿過此發而視

之乃屬太守洗揚遂行于世

名臣世澤絕堪哀不見阜蘭叱馭回相國孫調人名用梅為子門人嘗攜此帖相贈

後為甘肅知縣今亦下世圖史凋殘彝鼎盡誰憐貞石委蒼苔今詢此石已移往他處

順德

征車役役歎塵勞遙指巖城已近濠平野沙乾浮白讌古城

霜重亂黃蒿飢鴉背日歸村急羸馬衝風望驛號欲覓新筓

謀一醉疎林已露酒旗高

秋帆中丞邀至開封置酒觀劇有作
清灞分襟乍判年官齋把琰更欣然人懷折柳時時別詩聽
甘棠處處傳季札又來觀樂地義山終憶大羅天終南仙館
猶如故風月何人棹酒船

襄城早發

紉如戍鼓未停撾馭卒誼呼促上車芻豆槽空號瘦馬鐸鈴
聲急警棲鴉蹊迴未識津何在月暗難尋路幾義龜手已同
并緝紉凍梨那更撲霜華

除夕宿建陽驛

龍坡湖畔卸行鞵雨雪蕭條倍黯然竹屋紙窗清不寐春燈
臘酒了無緣飄零八口音書隔蕉萃三冬道路懸獨對鄰牆
修竹外疎梅兩樹鬪嬾

時家眷從
四川赴滇

望荷葉山懷明袁中郎兄弟

達材經世宙畸客營衡廬所適判大小樂志原無殊亭亭荷
葉山下映柳浪湖雲嵐共渺瀰竹樹交扶疎占此瀟湘景聯
築棣鄂居伯修官春坊畫省依香鑪中郎來錦帆仙令飛雙
鳧性情各蕭澹素尙歸菰蒲琴書親位置農圃商耘鋤往還
雜詩酒問答兼樵漁中年愴朝露名譽傳荆巫今我過楚北
冰霜上籃輿清游未獲踐懷古滋躊躇當時論詩旨刻意歸
白蘇苦吟轉蚓竅正類山澤癯風騷卽弗逮麤厲畧以除吸
光并飲淥靈秀良非誣

常德晤錢通政東注禮時督學湖南

三年不見歎晨風客路題襟感慨同白簡飛霜存諫院青衿
化雨徧鬢宮上方請劍驚頑懦出使埋輪效樸忠祇惜燈殘

言未盡詰朝分手又西東

沅陵道中望壺頭山

形勢壺頭峻人煙下雋餘喬松雲外雪春水礪中畚直道憑
朱勃讒言恨耿舒明珠非物產懷古更欷歔

晃州驛大雪曉行

北風厲發戰松篁曉起飛花滿石廊一夜盡封紅葉徑千層
齊現白毫光冰凝馬路蹄將脫冷逼狐裘指欲僵却聽驢網
煙樹外霧濃月暗怨歌長

初至雲南使署

又持使節到昆明十六年來氣象更鹽井銅坑供轉運金沙
鐵壁樂屯耕蠻方易簡非難理吏牘勾稽恐未精差喜春秋
風日暖好將衰病養和平

得四川家書二首

蜀棧秦關得得行近聞小住錦官城誰知吳下香閨伴也歷

西南萬里程

千山屈曲七星長橋名蠻草蠻花驛路荒料得此時寒食雨腰

刀帕首見官孃蠻人稱土司妻為官孃家眷由陝入川由川

出寨迎接

汪殿撰潤民如洋視學臨滇賦詩見贈次韻奉酬

京雒題襟近歲殘又聞使節度桑乾雲霄譽望推三絕華萼

聲名重二難謂念孫哲兄金馬新霑文化遠銅龍先直上書房舊直

主恩寬誰堪頭白淞南客賸欲投閒作橘官

舊游詩什數羊何初日芙蓉謝琢磨敢謂定文伴敬禮自看

新格重元和時以尊甫厚石故園風味歸詞卷題余三柳漁莊詞最工

垂老心情示貝多承以書金剛經冊見惠從此官齋清暇日陽春長得奉聲歌

朱秀才林一桂自樵李來訪畱宿官齋有作

滇海鴛湖萬里程擔簦相訪見深情自憐衰病終無補敢謂文章老更成菰米秋風懷故里杏花春雨念歸耕虞文靖詞報道先生歸也杏花春雨江南余所到輒以此名齋嗟君潦倒頻年甚頌酒譚詩氣未平

輯銅政全書有感

莊山鑄幣古來稱開竈滇南數倍增萬里程途喧輓運四時鎚鑿眾凌競米薪貴賤原無定砂礦高低合有徵採掇羣言資考證金曹他日免模稜

得楊進士西和書時主武昌書院講席

飄零書劍隔江濱寄我長箋別思殷幾歲關河勞遠夢何時

風雨共論文渚宮遺事增新詠楚國先賢續舊聞更憶青袍如鶴立譚經考藝正紛紜

寄壽子才七十

塵海嬉游七十年任人喚作老神仙西泠未肯隨和靖南徼偏能訪稚川時游羅浮膝下已生新玉樹閨中猶贖舊花鈿牛腰詩卷知增富再付侯芭次第鐫

雲南布政使署雜詠

梅花書屋

蕭齋晚照餘稍喜塵蹤斷眷此如玉花殷勤對几案

禪悅齋

生平嗜名理適獲清淨居宴晦微香夕同誰說真如

後樂軒

畫諾竟何功俸錢良自愧獨聞甘雨零差喜秋成遂

譽處堂

燕安寧自適老病又何思踞壁空堂臥常思阮德規

詠絮齋

炎荒冰雪稀祇有疎華映還惜謝庭空無人寄清詠時女粹卿先逝

杏花春雨書齋

寒雨杏花謝江南春色殘憑將羅帕淚一曲問吳蘭見蛻庵樂府

紫霞書屋

偶招青雲侶共契紫霞想絲竹間燈毬忽憶鈞天響書屋中聯云竹

鳩桃蹊喜花月滇南選勝同娛暇日銀燈玉笋記煙波趙北

廣歌曾侍鈞天蓋庚子上元扈蹕至趙北口特命觀燈聯句見御製詩四集中

優鉢曇華亭

靜境阿蘭若名花優鉢曇往時畱雪爪寫向小屏南余往為廣庭先

生賦此花書於亭上

浮翠亭

五華暨太華面面煙嵐綠不上最高亭何由窮遠目

風漪檻

曲檻危亭對虛窗小渚幽游魚明鏡裏低映蓼花秋

佇月廊

逕迴草樹繁候晚煙霜靜坐待月華升露溼荷裳冷

清侯井

古井寒猶漲孤亭久盡傾疎梅叢竹裏心迹緬雙清

聞來殷學士訃歿于廣東學使任

忽傳凶耗是耶非知己傷心淚滿衣文采共推徐孝穆風流

誰似謝元暉少攜詩酒同青翰長侍星辰入紫微今日羅浮
仙去路何人收入盡珠璣時屬補山制軍輯其遺稿

廣通道中

淺滴槐陰露微寒柳葉風魚鱗收宿靄鶉尾展遙空月映層
巒碧燈深小市紅天然圖畫裏詩筆信難工

行抵英雄得旨以年老多病雲南距本籍較遠移

任江西恭紀

碧雞坊下雨濛濛忽奉恩綸下紫宮六十年餘仍瘴

癘七千里外惜疲癯花明湓浦人重到江接句吳路易通更

喜前籌今已竟昨聞貢使過岡束時緬甸已來入貢

往在長武遇李制軍嶽麓侍堯忽誦子龍尾關詩怪

而問之云茲詩石嵌在大理官舍壁上聞係學使孫

令儀嘉樂所刻今過此關視之果然蓋令儀為子會

試所取士常求子在滇篇什子錄而貽之不知其出

使時攜以南來刻于此也為之憮然著手摩挲因題

一絕

當年五字記從戎忽見貞珉刻畫工聞說行人常洛誦也應
勝似碧紗籠

過大理驗緬人貢物提督烏君大經畱飲園亭

有作

南金象齒見蠻官軍府招畱竟日歡十載聲靈真赫濯三宣

耕鑿永平安人如萍梗誰能定迹託苔岑別亦難痛飲還須

澆大斗醉聽座下響飛湍亭在澗中石如錐齒削平以大理

馬

暮雨望點蒼山

闕風伏雨天濛濛我行回至鄧跋東龍尾關前午駐馬高閣
 直上開窓櫳翠巒廿九紛窈窕溪流十八交沖澗朝煙暮靄
 各縈帶陽巖陰谷殊龍葱候人謂此亘百里蒙氏中嶽加崇
 封升香薦幣勤祀典甘和應候徵年豐珠林蘭若互相望靈
 區晝靜聞巖鐘是時長羸正屆節蜀鵑百本殷繁紅寶珠如
 梓照欄檻紫藤屈曲纏蛟龍山坳文石畫水墨霏藍潑墨兼
 蒙茸或如梅花半映月或若芝草齊翻風叢林官署盡壘砌
 竟以人力誇天工去來屐齒限險遠安得名勝探無窮惟聞
 岑樓昔寫韻新都蹟在蒼琅峯窮荒竄謫尙嗜古前賢芳躅
 疇能同泥塗澆濁苦厲揭一杯懷古心忡忡牀牀簷溜暮更
 急千巖瀑布飛長空下注澗戶入西洱波羅江外鳴琤琮

纂成銅政全書有作

剔穴開巖藏去聲漸虛銅官積弊况難除莫嫌多出鈔胥手也
 是西商未有書

別昆明作

絕徼民風古樸多莫須束濕莫催科臨行要語諸君記安養
 生全保太和

連宵絲竹惜分襟蘭若薰風酒又斟遙指清華池畔水算來
 難比別情深時諸君復餞望海寺

持節牂柯只歲餘愧無德意到窮間鷓鴣哨外濛濛雨又捧
 名香送使車

版橋

版橋著名有三一在金陵謝元暉有詩出新林
 向版橋者是也一在商州溫飛卿有人迹渡橋
 霜之句一在昆
 明揚用修有詩

版橋三處並經行斜照東風送客程今日新林還跋馬數株
楊柳倍關情

關索嶺

大關索嶺高插天小關索嶺噴飛泉右手石壁削百尺炎風
凍雨來山巔亭侯當日不到此索也何自從囊鞬或言諸葛
度瀘日驍勇常作諸軍先緣巖鑿徑出林杪一綫下繞蛟龍
懸圖經雖缺史已佚險厄猶在人爭傳我行况值新雨後蠻
丁百指聲謹闔蟻穿九曲雖得下詎免繭足還頹肩茶檣小
憩更回望半空雲霧猶盤旋

行次貴陽汪又新方伯新邀寮佐迎餞時提督許君

世亨由臺灣奏凱還黔同席

冰厓雪洞啟長筵舊好新知共益然上將威名收海嶠詞臣

文采耀星躔

時學政吳蓉塘壽昌在座

比年握手逢迎數浹日談

意氣

聯酒半忽聞馳驛騎

溫綸同喜又朝天

是日謝摺回

批令

觀入

再過飛雲洞

飛雲巖石幾時飛朶朶終年伴翠微出岫自慚渾不定何年
眞望故山歸

鎮安蔡太守宗建招飲

疎簾曲几暑風清雪碗冰壺喜共傾到處知交情意密長年
作客往來輕蠻歌啁啾陪歡笑谿石嶙峋感贈行

太守以舟輕取武溪

二石以壓之

他日登臨如見憶中和巖畔省題名

七夕寄渚紅

前得家信知六月十二日抵鎮遠計今可到南昌

小別黃梅雨涼颺又悄然一鉤銀漢月雙槳楚江船風露何

會慣煙波祇自憐花洲風景地計日可沿緣

辰州途次

濃陰深處語鉤輈小西山前早放舟雨澹遙峯青似黛溪迴
新漲碧於油日烘蘅杜香樵徑雲入簷簷掩寺樓多少玲瓏
三品石不容米老更旁搜

至常德聞荆州江堤潰決改道長沙有作

扁舟下衡陽慘澹風色變濃雲互開闔暑日屢隱現頗疑炎
暘時水氣奪晴曠忽傳荆門堤驟漲極凶悍激湍城郭頽惡
浪魚龍亂洪濤敗衙署餘浸絕炊爨異事古所稀災祲駭聞
見得毋吏治非降沴示禍患飛章上九重瘡痍塵宵旰
俞君提督金鰲謂我言驛路經旬斷迂塗由長沙行程庶可算登
樓試憑欄千里驚汗漫滄江南入湖色眩青黃牛本嗟行路

難更切憂時歎豈能娛絲竹時俞君招飲觀劇方戒涉險難呼僮理
戩楫聊用具毳飯

登龍陽館舍後園

小有林亭勝清晨結襪游雲山工遠勢花竹作新秋風露殘
荷在村莊早稻收徘徊故人筆遺恨滿山邱扁為梁少司空沖泉書

卽事

輕巒淺嶂日初銜遠見秋空數點帆正是湖田涼氣早柳陰
珠露滴羅衫

水近滄浪路不分蠡湖西下水云云當年供奉曾游此欲問
風流向楚雲

未得銀鱸上釣鉤柳塘空自泊魚舟青菱雪藕齊登市更向
煙村問橘洲

嶽麓書院贈羅少卿徽五三十韻

清江迢迢似帶橫亂帆片片如雪輕荒灣短激一棧擢却望
 樹杪飛高薨津人指點書院古欲訪徽國瞻前型芒鞋著落
 恐滑達短杖搯石愁伶仃鴻臚少卿我舊好龐眉宣髮雙瞳
 青千里相思正耿仄卅年憶別懷芳馨相攜連襪入講室臬
 比昕鼓懸前廳湖湘上游古所重文公昔日來綏寧惠威孚
 洽果不爽洞獠聽款無畱停長沙士子夙好學至是全集歸
 礮礪南軒舊蹟稍薙廢更擇爽塏開堂局峩冠褰帶備禮法
 講道論德除昏冥別置額員厚廩給方冀文學隆湘鄙煥章
 忽召僅半載操縵未滿生徒聽知公英爽常顧此所願後世
 承儀刑朱子除潭州安撫語詞云仁心仁聞威惠孚洽年譜
云長沙士子夙知向學及是學士雲集又云洞獠侵
擾諭降之改建嶽麓書院本樞密劉公因南軒之舊而更今
新之別置額員其廩給與郡庠等八月除煥章閣待制

君解蔽踰二紀老成何異垂晨星鄉大夫職本應爾撞鐘攻
 木聲春霆況聞丹鉛不輟手考義往往窮羣經前賢遺教定
 可繼道味洵足祛羶腥自來經師率老壽頤養會見登遐齡
 我昔奉使按江右側聞鹿洞依茗亭豈知守牧奉故事規條
 具揭誰能聆生徒列舍頗闐茸書冊度閣徒飄零力思整頓
 尙未得輒以憂去心怛怛喜君蛾子善時術豈無傑士揚
 王廷俄頃中廚出雞黍小飲亦復陳湘醽日斜酒罷未忍去
 再看菡萏千娉婷時君仿濂溪意闢地種蓮數百本花開甚盛
 滅觀察榮青倚齋夜集
 湖水湖雲繫短楫重來把臂笑言譁白鳥赤雀俱稱瑞碧芷
 紅蘭尙作花曲罷不知人欲別酒闌猶認客爲家觀察子爲子弟南明
 之婿分襟又向楓林去回首層樓隱暮笳

蒲圻舟中山水清遠偶成四絕

扁舟東下水雲閒
斷澹橫溪暮靄間
身在藕花萍葉裏
船頭又見小梅山

鷺鷥鷓鴣各成行
更有涼蟬噪夕陽
一頃紅蓮稻名將次秀
微風吹送稻花香

秋日城湖分外清
斷雲殘雨總關情
柔波如鏡明如鏡
合與詩人晚濯纓

楚天風物易銷魂
湖外人煙浦外村
依約青帘疎樹裏
與誰沽酒仿窪樽

東湖夜泊

一碧渺無際
秋潮近夜來
蒼然雲夢月
正對翠屏開
煙樹連吳會
風騷憶楚才
仙人乘鶴處
回首望樓臺

懷程荆南卽題其松寥山館詩後

淡雲遠漠漠
疎雨方蕭蕭
扁舟過澹浦
清泉路非遙
佳人歎早逝
玉佩難相要
行旆詩數卷
愛惜伴瓊瑤
蓬窗偶微詠
依然見風標
性情寄孤耿
素尚離塵囂
幽芬溢研席
雅韻分蘭茗
獨念仕楚南
煙水清而超
定於種花暇
哀怨親風騷
所恐冰雪文
日久雲煙消
棣華定無恙
謂令兄沅應與同傳鈔
續茲山水集
永存松寥

至武昌寓江漢書院見楊西和史誦芬吳學使泉之

亦至

雪浪橫江斷
客舟喜同勝
侶晚登樓最
憐鴻鴈哀
中澤尙有魚
龍混上游
昏墊難辭守
責宣防深荷
聖明憂金錢
百萬來天府
已遣元臣重
借籌

已近中秋暑未清八窗盡拓待涼生經帷尙有絃詩侶時西和爲

院長方注杜詩

旅館誰殷授祭情

謂誦芬

世事蒼茫魂欲斷故人憤激

意難平漢陽滅沒雲濤裏難雇騾綱問去程

恨這箇關

古道塵沙靜方城戍堠長岡巒分北界形勢接南陽晉楚千秋事吳曹百戰場欲求攻守蹟故壘久蒼茫

過信陽州懷明何大復先生

淮水秋透迤楚山曉婉變地在中原中秀靈篤名彥先生幼神奇聲華動文苑時值詩教衰輕材竊詞翰振袂挈空同高標溯兩漢昌穀差隨肩華泉寧足算聿承騷雅宗遺集信可案後來肆譏彈蝸蟻互鳴喚沉傳節義高更益詞章煥直諫辨僉王上書斥奄宦奮身拯友朋貶謫豈所患用此表藝林

庶皆立貞幹今茲過其鄉懷古輒三歎安得許子將許劭亦南陽人

名言定月旦

夜行

正喜行程勝寧謀卽次安况逢殘月影已挂碧雲端燈火村春急風霜戍鼓寒遠山蒼翠外斗柄已闌干

良鄉道中

遠火催征騎清霜點敝裘西風三角澱殘月半輪秋祗益衰年病頻添旅客愁惟聞僣從喜明日度盧溝

兩間房作

朝來懷抱不勝情却指東華僅兩程終是旅人憔悴甚曉風殘月便淒清

關河秋早起微寒楊柳陰中白露團疲馬不須加短策西風

落葉打征鞍

粉粥香資棗栗俱村僮闌路遠相呼誰知往日鶉觚客又入

幽風小樣圖

長武舊鶉觚屬幽州

層穹絕壁帶沙汀每遇潺湲駐馬聽自是生平山水僻塞垣

蒼翠愛重經

熱河 召對恭紀

山莊秋霽奉傳宣

溫旨頻承倍往年豈有詞章叨

拔擢

詢及當時

殿試

朝

愧非德器荷

陶甄涓埃莫報才先

盡瘴癘雖除病未痊最喜暫時陪侍從

翠華影裏屬橐鞬

時

命

隨侍進京

遙亭

山勢遙連塞人煙本近畿雞鳴桑下屋牛臥棗間扉雨後場

初築風高葉亂飛石渠清見底正擬浣征衣

紀曉嵐少宗伯招諸同年夜集

萬里歸來謁

紫宮霓裳仙侶此宵同分離既久情難盡振

觸多端語不窮琴鶴無能宣化雨尊鱸有夢待秋風西江幸

與東華近時盼音書寄楚鴻

白溝河是日霜降

西風欲起澹斜曛白草黃沙望不分聞說昨宵霜信到已看

寒意滿山雲

東光驛

雞唱開朝旭鴉啼警夜霜菰蒲雙淀迴檉柳十圍長屋繫黃

團重鑪煨紫芋香晨餐猶未得且與乞壺漿

新橋驛

渺渺秋霞盡
翛翛夜色澄
已聞村戍柝
少見驛樓燈
酒敵風霜苦
香從翰墨凝

柳泉

亂鴉哀鴈峭
寒天燭影幢
幢宿柳泉
屈指一年行
萬里明晨
又上楚江船

濠梁驛

曉發濠梁驛
煙波望不窮
蘆船帆上下
茅屋路西東
村店三叉隔
人家二舖空
筇簕隨處有
魚樂亦難終

紅心驛

衰草寒蕪驛
路荒茸裘已敝
不勝涼丹楓
烏柏紅心驛
始覺淮南早
降霜

白清流關至醉翁亭二首

黃葉遍巖阿
如此稱關豈足多
莫怪歐公誇武畧
劍門

未經過

子寥落接雲煙
琴石梅花迹宛然
可惜蒼龍能嘯月

園

售雨晨風判
歲年題襟把袂各
欣然園池最好
中山第樽酒
湘宜小雪天
黃菊未殘猶旖旎
青燈半炮尙畱連
匡廬雲樹
余淮月政績
他時得並傳

太湖道中

加面難禁料
峭風秋陰漠漠
水濛濛轉灣
添得淒涼景
柳葉似黃蓼
穗紅

楓香驛

風雨曉淒淒驚禽咽又啼
柝殘深巷北燭燼小窗西
春酒寒沮下鄉書淡墨題
楓香亭外路半漉玉驄蹄

過停前驛望蓮峯有作

五祖山上有池生白蓮又名蓮峯

少誦杜陵詩白業師
祭可余亦慕黃梅皈依願
已果今經破硯山招提
近道左昨宵微雪零巖境
浮雲鎖林樾翻宿禽霜
里落松果惟聽精舍鐘
遙趁郵亭火

潯陽驛

水接長堤路風寒小雪天
九江真縹緲十載更洄沿
碓響前溪屋柳鳴隔浦
船昔游殊草草重到意
翛然

德安

敷淺原邊路煙巒入畫圖
關津西口接楚舟楫北
通吳雨霽雲

猶濕泉甘草未枯義豐山翠裏
見驛樓孤

賙恤

賙恤非無策流亡未有家
尙虛營版築時沿江被水傾倒者尙須修葺何以
度年華殘雪餘青嶂荒田壓白沙
黔敖雖有藉蒙袂更堪嗟

鄱陽

漲後村墟少寒深雨雪多
飄零餘鳩尸慘澹對鷗波
中地猶水緩全荒忍再科
來牟還未植春熟更如何

入廬山自黃巖至開先寺望峯下瀑布僧云嚴冬凍
合不得見也留題而返

台爐峯在開先上遠亘白虹三百丈嚴冬凍合挂長空
不值小車般去聲地響匡廬瀑布天下奇
輓雷濺雪中馳眉山蠶尾均傑作欲與供奉爭
參差而今勝事何由見姑酌寒泉資

名戰相約明年暑雨行來看蛟龍鬪深澗

棲賢寺夜宿

濃月亦苦朔吹宵尤寒沿緣入梵刹始得開心顏香廚出
盃漱蔬筍供盤餐飯餘攬夜景列岫遙迴環嶄然五老峯離
立青雲端松杉數百本影作蛟螭盤山僧示舍利寶色猶斑
爛真贗豈足論供養期無殘相對道心寂投榻從茲安杳杳
地籟淨隱隱鐘魚闌微聞階下泉敗葉相淙潺

晚至歸宗寺飯有作

色暮蒼然微陽在層嶂瀏瀏緒風寒漠漠凍雲漲聞鐘趨
提稍見禪燈颺茲傳右軍居方池尙流漾長廊遵透迤妙
撫跌宕還禮佛前香頗悅伊蒲餉山僧兩出迎清譚獲諧
空林法鼓鳴遠火前騶唱勝踐虛宿因宵征愧塵障回瞻

金輪峯清景渺千狀

臘月二十一日招翁學使振三及曹仲梅兼鈞家若

農金寶函鴻書施錫蕃晉江子屏藩汪上章與吳照

南照何夢華元錫諸君小集

官齋鎖印趁閒身蕙草香中笑語親澹月微雲風景別春燈

臘酒歲華新總持儒雅歸名彥謂學嘯傲溪山屬散人謂仲

勝事良辰難並得擁爐勸飲莫辭頻梅諸

卽事

么鳳聲聲夢已殘又看翠竹影團欒起來小啜釵頭茗偏喜

西窗送嫩寒

歲暮消閒意味長更無鈴索響迴廊山僮莫訝銀鳧冷正愛

梅香與蕙香

春融堂集卷十九終

Faint vertical text columns within a rectangular border, likely bleed-through from the reverse side of the page.

